



12293

名家詞鈔目錄

黃 廬陵 聶 先 晉人

長水 曾王孫 道扶

纂定

二鄉亭詞

萊陽 宋 琬 荔裳

如夢令 長相思

點絳脣 浣溪沙

卜算子 採桑子

減字木蘭花 清平樂 二調

名家詞鈔目錄

憶秦娥 生查子

攤破浣溪沙 眼兒媚

西江月 醉花陰

浪淘沙 鷓鴣天 二調

虞美人 鵲橋仙

踏莎行 臨江仙

蝶戀花 風入松 二調

滿路花 意難忘

滿江紅 雙雙燕



高陽臺

賀新郎 二調

念奴嬌

沁園春 三調

名家詞鈔 二卷
錄

二

寶箴頌 二冊

扶園春 三冊

高陽臺

念奴嬌

二鄉亭詞

萊陽 宋 玳 荔裳

如夢令 離情

織女黃姑。月。月。偏。受。天。公。磨。折。正。爾。拜。雙。星。驀。地。燕。南。越。北。新。月。新。月。乍。缺。乍。圓。似。妾。

長相思 吳門夜泊

大江東。五湖東。地主今無皋伯通。誰人許貨春。聽來鴻。送歸鴻。夜雨霏霏解舫中。寒山寺裏鐘。

點絳脣 劉峻度席上聽女郎度曲

名家詞鈔 二鄉

子夜清歌。隔簾疑在青天外。瓊簫玉管。莫把鶯喉碍。紗帽籠頭。卸却殘粧戴。嬌羞壞。廣場無奈。初學男兒拜。

浣溪沙 芳草

乍暖猶寒二月天。玉樓長抱博山眠。沉香火冷少人添。殘雪纔消春鳥啭。畫闌干外草芊綿。幾時青得到郎邊。

卜算子 榆錢二首

良冶讓天工。不怕銅山匱。鑄就青蚨億萬緡。亂向枝

頭寄。鵝眼易飄零。貫朽還垂地。欲付新豐舊酒樓。
少箇開元字。

且向庫中藏。却向林端挂。蕩子東君不作家。散作鶯
花債。萬選繞叢懸。赤及連青靄。滿地殘英誰主人。
賤把春光賣。

採桑子

贈歌者陳郎

燈前倦倚嬌無力。臂作匡牀。重理清商。一串驪珠繞
畫梁。暮雲朝雨今宵夢。錯賦催妝。何物王郎。醉裏

溫柔更有鄉。

名家詞鈔 二鄉

減字木蘭花

招友人遊湖

孤山之下。雨中正好看花也。待得晴時。杏嫁梅娠綠
滿枝。空囊烏有。三百青銅難贖酒。亟典春衣。莫待
東君致政歸。

清平樂

春怨

楊花如雪。蕩子心腸鐵。恨殺嫦娥圓復缺。不管人間
離別。怕簪碧玉搔頭。粧成懶下朱樓。樓上斷泥雙
燕。呢喃似替人愁。

前調

韋上故人有爲予勸駕者作此詞謝之

鼠肝蟲臂。總是君王賜。一曲狂歌千日醉。管領鷗班
鷺隊。故人天上吹噓。勸予重整簪裾。只恐中山毛
穎。於今老不中書。

憶秦娥

有憶

朱闌畔。莫愁嬌小曾相見。曾相見。翠蛾羞斂。半遮團
扇。畫梁依舊巢雙燕。藏鴉幾度垂楊換。垂楊換。桃
花臨水。那時人面。

生查子

鞦韆

名家詞鈔二鄉

三

僊僊蝴蝶衣。窄窄檀香板。纖體欲飛颺。只恨春風軟。
春葱玉指柔。香汗羅襦滿。侍女笑相扶。倩把雲鬟
挽。

攤破浣溪紗

西溪訪陸處士作

三月楊梅正作花。板橋欹側俯晴沙。閒覓柴門無徑
路。柳陰遮。燕子忽忙營社稷。蜂兒辛苦坐官衙。問
著山翁都不識。野人家。

眼兒嬌

憶故園作

朝來沽酒典春衣。梅子雨初肥。杜鵑言語枝頭教。誨

道不如歸。十年踪跡沙鷗是。負却舊漁磯。隣翁相
候。山間茅屋松下柴扉。

西江月

無題

傾國先呈皓齒。靈犀暗托瓠犀。麝蘭香沁茗甌時。中
有醍醐妙理。春笋纖纖半露。燈前低斂蛾眉。禪心
果否絮粘泥。珍重何難戒體。

前調

舟中見麗人

淩水芙蓉掩映。青蛾欲展還顰。琉璃千頃碧無痕。怎
比橫波一寸。畫舫搖搖近岸。岸邊偷覩防嗔。長年
何幸得相親。半晌輸他福分。

名家詞鈔二鄉

四

醉花陰

閔園

雨餘天似柴窑碧。修竹穿籬出。滿地碎秋聲。白鳥青
蟲。生長芙蓉國。森然奇鬼池邊石。紅葉纏青壁。屐
齒竟忘歸。醉倚層樓。三弄楓林笛。

浪淘沙

秋旅

風雨十分驕。怒似江潮。愁來我欲睡鄉迢。促織多言
偏不允。枕畔叨叨。強半客僧寮。琴劍蕭條。一枝難
穩。愧鷓鴣來歲西。愬須記取。莫種芭蕉。

前調 楊子中流望金山北面

誰削玉嶙峋。千尺雲根蛟龍深護。海西門金碧樓臺。青黛樹。小李將軍。雁影落紛紛。喚起江豚。鐘聲兩岸客邊聞。登陟不如遙望好。倒影斜曛。

鵬鵠天

贈說書韓修齡

豹尾班中侍從頻。滑稽似爾絕無倫。投壺那得天顏笑。只爲恢諧郭舍人。楓欲落。雁來賓。蕪城明月恰逢君。開元供奉今誰在。抵掌雍門淚滿巾。

前調

遣懷

名家詞鈔二鄉

五

咄咄書空喚奈何。自憐身世轉蹉跎。長卿已倦秋風客。坡老休嗔春夢婆。朝梵爽。暮漁簑。閒中歲月易消磨。誰言白髮無根蒂。只爲窮愁種得多。

虞美人

遣懷

一從勘破邯鄲夢。遇飲長須痛醉鄉。只道可藏愁。却被塞鴻呼起。又從頭。吳頭楚尾經年寓。岸上牽船住。非關王粲怯登樓。自是吾家法。善悲秋。

前調

過錫山秦園訪留仙太史不遇作

辟疆園傍春申曲。翠壑噴哀玉。畫橋宛轉客來稀。驚

起一雙鴻鵠破烟飛。釣船空繫垂楊下。興盡須歸也。蔣家新釀不曾酤。却笑酒盃也似故人疎。

鵲橋仙

井蛙

草際持頤。泥中嚼齒。別號蟲中裸族。一謳羣和爲公。乎偏則向人前怒目。雄踞東坡。長吟下里。宛矣公孫在蜀。董生何事。懶窺園看。不耐汝曹邊幅。

踏莎行

雁

楓落瀟湘。雪深幽冀。西風吹老蘆花穗。搗衣時節却飛來。一聲纔斷千行淚。帶雨還飛。飄零無次。蕭蕭

名家詞鈔二鄉

六

清影和雲墜。郎邊莫道少書來。長空寫盡相思字。

臨江仙

贈少年客

韋曲城南天尺五。翩翩公子豪奢。小平津外綠楊斜。金鞍雄百騎。蠻鼓醉三槓。一擲臬盧輸百萬。吳鉤光閃龍蛇。春衣夜宿杜陵花。情人劉碧玉。俠客魯朱家。

蝶戀花

旅月懷人

月去疎簾纔數尺。烏鵲驚飛。一片傷心白。萬里故人關塞隔。南樓誰弄梅花笛。蟋蟀燈前欺病客。清影

徘徊欲睡何由得。牆角芭蕉風瑟瑟。虧伊遮掩。兒
黑

一剪梅

思家作

飄泊東南劇可憐。朝采菱船。暮打魚船。愁中看遍好
山川。鶯。脰。湖。邊。菴。畫。溪。邊。問余何日賦歸田。說道
今年。又早明年。故園消息久茫然。春燕來前。秋雁來
前。

風入松

淳于芬墓

大槐安國舊邦基。蟻垤尚纍纍。麒麟高冢。祁連象繫
華夢一枕龜茲。爲問秦樓公主。瓊簫曾否相隨。朱
幡皂蓋畫熊旗。千里罷征鼙。策勳帶礪。今何在。羊開
府身後同悲。吾欲題君隧道。南柯太守之碑。

前調

訪張瑤星於松風閣不遇

雨花臺畔訪柴荆。匹練大江橫。鍾山紫翠斜陽外。虬
龍影幾陣松聲。曾共廬山高衲。小樓明月吹笙。短
筇重過石頭城。懷舊不勝情。徵君結制棲霞寺。梧桐
老白鶴相迎。爲道二鄉居士。來尋三影先生。

蒲路花

胭脂井

紅牙歌玉樹。翠袖翻金縷。臨春梳洗罷。調鸚鵡。陳家
狎客。慣把江山賭。樓船天塹渡。牀下軍書。錦箋催寫
新句。舊宮簪井。欄外青苔古。明眸秋水綠。爲黃土。
海棠花落。一片胭脂雨。環珮歸何處。泉下芳魂。至今
遺恨擒虎。

意難忘

爲施校書宛西作

洗盡鉛華。記苧蘿西畔。曾浣溪紗。徵歌鶯語滑。學舞
燕飛斜。攜暮雨。掩朝霞。別館貯嬌娃。采蓮歌。魂銷千
載。何況夫差。嬋娟偏在君家。美朱樓。畫楊柳藏
鴉。鴟弦時一弄。羯鼓醉三擲。無限恨。向梅花。清淚染
琵琶。待學他。鴟夷少伯。共泛仙槎。

蒲江紅

燕臺懷古

易水東流。與西去。荆卿長別。祖帳處。三千賓客。衣冠
如雪。督亢圖中。雷電作。咸陽殿上。襟裾絕。恨夫人七
首。竟何爲。同頑鐵。漸離筑。笙歌咽。博浪鐵。車輪折。
縱奇功。未就。祖龍虬魄。一死翻令。燕國感。九原悔與
田光訣。歎千年。寒水尚蕭蕭。虹霓滅。

前調

李方山歸自滇中喜而有贈

西子湖頭送君日。楊花飛雪一萬里。蠻烟瘴雨朱門空。謁雁字不傳滇海路。蘆花正映清溪月。向莫愁村畔。話離愁。真奇絕。磨盾志空悲咽。題柱願難消歇。惜白頭成錯。六州之鐵。鄉里兒曹偏面冷。丈夫拓落。因腸熱。取囊中詩卷共青萍。燈前閱。

前調

壽李方山時年五十有一

齊魯之間許君是鬚眉。男子歌。伏櫪壯懷消滅。肉生雙髀。草檄百蠻功未展。裹糧五嶽游方始。算春秋三萬六千場。平分矣。鴻鵠志誰能擬。薑桂質終難徙。肯隨他盧橘。化而爲枳。孔北海。豪杯竿在。孟東野。老詩篇。美倚江樓。秋夜共吹簫。魚龍起。

前調

旅夜聞蟋蟀聲作

試問哀蛩緣底事。終宵鳴咽。料得汝前身。多是臣孤子。葦青瑣闥邊。瓔珞草碧紗。牕外玲瓏月。况兼他。萬戶搗衣聲。同淒切。梧葉落。西風冽。蓮漏滴。征鴻滅。似杜鵑春怨。年年啼血。千里黃雲關塞客。三秋紈扇長門妾。背銀釭。和淚共伊愁。牀前說。

雙雙燕

題佟漚白中丞伯仲漁樵圖

皤然二老似江左風流惠連康樂綸竿七尺雨笠風
蓑同著長嘯東臨海若攜手入天台採藥從公看奕
仙家擲取斧柯遺却行脚蒼巖翠壑笑肩拍洪崖
弟酬兄醉山中留客童子一雙馴鶴休戀烟霞高臥
看早晚蒲輪西洛須倩妙手長康重畫麒麟高閣

高陽臺

爲朱鶴菴侍史王郎作

何處逢君落花時節嫩楊乍轉鶯簧小閣深沉鄂君
繡被生香紅牙按罷渾無力倚東風更換霓裳背蘭
缸橫波偷展低問周郎東君爲汝徬徨倩珊瑚作

名家詞鈔 二 鄒

十

枕玳瑁爲梁海燕同棲一時嬌艷無雙從此蛾眉參
意畫應見慣不辯鸞鳳漫猜他佳人碧玉夫婿玉昌

念奴嬌

郭璞墓

弘農太守挽羲輪三舍乃心王室龜策如神撩蔓尾
臣命盡於今日氣作長虹魂歸華表骨葬金鰲脊馮
夷舞罷數聲欸乃漁笛安得溫嶠懷中通天犀借
我下窺龍國江左夷吾今在否石馬沉埋荆棘鐵甕
旌旗金山鐘磬閱盡興亡迹中冷滿酌一帆高挂遙

碧

賀新郎

爲友人納姬作

寶鏡嬌鸞舞。恰蘭舟迎來桃葉。香凝金縷。八月廣陵秋色好。吹上遠山眉嫵。問今夕三星在戶。廿四橋頭明月在。倩紅牙翠管翻花譜。情定句。爲郎補。妝成倦倚梅花塢。問檀郎未諳心性。偷詢鸚鵡。咫尺蓬山誰得到。長是君家爲主。算只有信陵公子。一片雄心無處寄。向溫柔隊裏尋鄉土。歌且醉。成籌五。

前調

爲侍御楊琢菴題像

野鶴昂藏意。是當年彈文柱後。楊球司隸。驄馬連錢

名家詞鈔二鄉

十一

霄漢上。騎出五侯爭避。誰信道蛾眉見忌。飄泊東南天地外。長五湖不待官家賜。逢醉尉。防其詈。虎頭妙筆真無二。寫元龍豪舉。不似三閭顛顛。歷遍九州夷險路。惟有醉鄉堪寄。更許我入林把臂。二八嬋娟。彈錦瑟。倩尊前誓閣英雄淚。歌旣闕。唾壺碎。

沁園春

誦白髭

歎息吾衰。兩兩三三。霜雪盈顙。怪素絲若練。偷描病態。銀莖如戟。硬作愁媒。面目生疎。主人訝客。何所聞而不速來。還防汝。入宮見妬。朋輩嫌猜。況逢貝錦

蚊雷更顛倒。雌黃蛇與虺。歎黑雲突起。九關難叫。青
蠅欲弔。隻影堪哀。不自我先。不自我後。汝乃乘危利
我災。炎涼態笑。星星髻也。果小人哉。

前調 題陳其年烏絲詞

天上張星游戲人間。我幸見之。美高陽里第。門纔旋
馬。西園公子。賦必探驪。八斗才華。五陵逸氣。藿白爭
傳絕妙辭。旗亭上有諸伶。按拍玉笛金徽。奚囊白
雪霏霏。信此曲從來和者稀。似秦郵太史。風流旖旎。
渭南老子。渾脫雄奇。楊子濤溪。洞庭月冷。應有魚龍
駭。且飛觀止矣。待曹王敵手。險韻重題。

名家詞鈔 二部

十一

前調 題孫坦夫想想園

烏有園林幻耶真耶。其如墨莊。問陳家結綺。空餘簪
井。隋宮錦樹。但有垂楊。孝子追思。悲溪肯構。杖履依
稀。不暫忘歸來些。在闐風之圃。廣漠之鄉。誰言大
壑舟藏。況電馬飈車。解定方。譬生前嗜芟。無忘屈到。
沒而尸祝。不替庚桑。神所馮依。精魂來往。月榭風軒。
白石牀。真佳話。似桃源鷄犬。未是荒唐。

董蒼水俞曰先生悞調多商羽之音秋颺拂林哀

泉動壑不足以喻其崢嶸蕭瑟已也其於小令如新筆乍調。雛鶯初轉。尖佻新艷。不數齊梁子夜。此真子建天人之才。邯鄲生能不爲之咋舌汗下乎。

吳菌次綺曰予與觀察訂交最久。每商填詞妙處

難脫香艷之外。另臻化境。然極厭人撫拾黃昏芳草。細雨春風等句。以爲周秦復起。故極推觀察詞以救之。不獨爲油滑下針砭也。

名家詞鈔二鄉

十三

施愚山問章曰詞固以艷麗爲工。尤須蘊藉。始稱

作手。讀二鄉詞。方可謂穠纖雅潔。

...

...

...

...

董蒼水俞曰吳主爵臨於商際之音...

名家詞鈔目錄

廬陵 聶先 晉人

纂定

長水 曾王孫 道扶

青城詞

嘉善 魏學渠 子存

長相思 相見懽

生查子 浣溪沙 二調

菩薩蠻 三調 訴衷情

後庭花 減字木蘭花 二調

名家詞鈔 青城

謁金門 清平樂

阮郎歸 二調 畫堂春 二調

眼兒媚 二調 桃源憶故人 二調

柳稍青 應天長

惜分飛 醉花陰

南歌子 青門引

醉紅粧 雙調望江南 二調

浪淘沙 鷓鴣天 三調

木蘭花令 踏莎行

臨江仙

蝶戀花

二調

一剪梅

漁家傲

鳳啣盃

行香子

金人捧露盤

山亭柳

蕙蘭芳引

滿江紅

二調

滿庭芳

鳳凰臺上憶吹簫

雨中花慢

瑣廳寒

金菊對芙蓉

念奴嬌

木蘭花慢

二調

齊天樂

名家詞鈔

青城

花發沁園春

望海潮

沁園春

白苧

蕙蘭芳引

滿江紅

金人捧露盤

山亭柳

鳳啣盃

行香子

一剪梅

漁家傲

臨江仙

蝶戀花

二調

青城詞

嘉善 魏學渠 子存

長相思 秋怨

曉山青。曉風輕。黃菊丹楓送客程。長亭復短亭。柳邊城。蓼邊汀。葉葉秋聲和鴈聲。清霜點鬢明。

相見懽 春晴

是誰漏洩春光。柳條黃。亂落榆錢。無數買愁長。千里思兩地。淚成行。燕燕鶯鶯。故故惱人腸。

生查子 湖上

名家詞鈔 青城

山中一夜雨。湖上春波足。並蒂藕。開花花底鴛鴦宿。蘇小門前路。舊艷矜新目。何代無紅顏。有箇人如玉。

浣溪沙 閨情

聽唱新詞損翠蛾。柔肌猶自怯輕羅。朝來攬鏡奈愁何。後夢不如前夢好。無情猶勝薄情多。東風日夕長春波。

前調善

笛裏吹來帶落梅。捲簾風細月徘徊。車聲門外似殷

雷○淚○臉○露○桃○紅○臉○斷○顰○眉○烟○柳○碧○初○裁○一○春○愁○鎖○
侍○兒○倚○

菩薩蠻

秋閨

玲○瓏○絲○藕○抽○難○盡○水○紋○縐○處○西○風○緊○細○雨○浴○鴛○鴦○江○
花○滿○渚○香○紅○橋○雙○槳○急○髻○墮○羅○裙○溼○迴○首○隔○汀○洲○
橫○波○一○寸○留○

前調

春閨

玉○銜○金○勒○青○驄○馬○驕○嘶○繫○向○垂○楊○下○朱○戶○繡○帷○空○蘭○
心○誰○與○同○鳳○皇○盤○蜀○錦○釵○釵○落○頰○黎○枕○夢○醒○覺○孤○眠○

名家詞鈔

青城

二

烏○啼○曉○露○寒○

前調

海○棠○花○雨○西○園○暮○麝○煙○鸞○珮○飄○香○霧○小○婢○罵○東○風○春○
泥○踏○作○紅○衫○籠○肌○雪○軟○翠○袖○香○篝○煨○望○遠○不○分○明○
閒○調○銀○字○笙○

訴衷情

芝蔴港泊舟閒步

一○行○垂○柳○任○人○家○小○婦○髻○堆○鴉○挑○起○酒○帘○還○坐○菱○角○
雜○魚○蝦○沿○綠○岸○數○雲○帆○話○桑○麻○秋○聲○淅○瀝○秋○意○悲○
涼○無○限○蘆○花○

後庭花

秋思

楚山楚水悲秋客。霜濃露白。烟外鷺鷥沙上迹。悲來疇昔。藕花蘋葉香狼籍。波深幾尺。明月高樓當此夕。有人憐惜。

減字木蘭花

江行

潮平如掌。兩岬蘆花瑟瑟響。遙露青峰。鷺外霞飛一線紅。斜陽帶鴈。最是秋聲聽不慣。帆落風徐。柳下人家半賣魚。

前調

渡江

名家詞鈔

青城

三

雲濤萬頃。白鷺晴空流素影。瓜步人烟。點點漁舡古廟邊。粉塘如練。蘆管輕吹醒酒面。落日帆迴。帶得六朝秋色來。

謁金門

紅葉

南飛鴈。催得青林色換。幾樹丹霞風裏顫。畫秋光一半。不是艷陽繡句。淚雨年年紅濺。纖手拾來呵紫硯。新題勻綵翰。

清平樂

刺繡

簾飄花瓣。生怕韶華散。纖手輕描紅藥綻。留取春光

一線好將幾縷柔絲閒拏鴛翼雄雌金剪難挑百
結針神無奈停時

阮郎歸

閒愁

雕闌曲檻雨絲絲。棠花三兩枝。樓中歎息畫簾低。含
情知爲誰。羅袖薄。曉風吹。殘紅踏作泥。梁間雙燕
語斜暉。阮郎歸不歸。

前調

秋海棠

秋來春思剩紅綃。娉婷臉暈潮。輕寒拖艷不勝嬌。朝
朝魂暗銷。沾玉露。灑金飈。芳姿帶雨饒。芙蓉臨水

名家詞鈔

青城

四

水平橋幽人韻竝高

畫堂春

秋柳

舞腰無力向西風。裊枝啼露朦朧。絲絲縷縷做秋容。
老却丹楓。岸艸同憐蘆荻。江花留伴芙蓉。當時攀
折正春濃。夢斷青驄。

前調

秋聲

高樓暝色與雲平。誰家偷弄銀箏。西風初試粉香城。
葉葉聲聲。簾外新添蛩語。烟中偏肅鴻翎。枕前聽
碎。不分明。總恨飄零。

眼兒媚 閨怨

冶郎生性好尋遊。不是覓封侯。娉婷市裏，翠薌樓畔，到便淹留。願爲鄉里一生休。無事惹閒愁。壠頭筐餉，壚邊滌器，不數風流。

前調 夏夜

園林長日一蟬鳴。綠藻與橋平。殘粧浴罷，梧桐影碎，茉莉香清。沉瓜浮李向山亭。蕙幄展桃笙。追涼池上一輪飛兎，兩點流螢。

桃源憶故人 春怨

棠梨雨散東風陌。一夜枝頭如滌。催得春歸何處。教落紅狼籍。雙雙蝴蝶飛無力。應爲殘英添瘠。夢裏有人長憶。辜負他憐惜。

前調 寒食

平郊二月東風度。數點弄晴絲雨。陌上行人來去。總是傷心處。春光不到冬青樹。蔓艸凄清無語。杜宇聲中如訴。銀海茫茫路。

柳梢青 官怨

花鎖千門。昭陽日暖。燕語溫存。采綠烟輕。采繁風軟。

春去無痕。萬般惆悵誰論。空冷落霓裳舊恩。鸞鏡
休粧鳳衾羞整。獨立黃昏。

應天長 春雨

高樓試望平蕪溼。潤到春衣添麝。夕畫簾垂。金縷澀。
杜宇啼來南又北。落紅粘。飛絮襲。時近黃昏風急。
珠淚春江一色。東去無消息。

惜分飛 本意

烏重雙飛魚比目。私繡並頭鴛褥。記得溫如玉。別離
容易縈心曲。陌上行來聊采綠。昨日金錢虛卜。誰
說風流足。風流却費人拘束。

醉花陰 清明

梨花如雪飄鴛鴦。岸草風前皺。翠幙鎖深情。羅襪花
陰又。踏青時候。燕子將雛喧。永晝賺得雙眉鬪。休
說鬧愁人粉褪。香燼蝶影同消瘦。

南歌子 秋晚

月落青苔院。風過赤葉樓。香凝繡幄下。簾鉤正是獨
眠人。起不梳頭。景物經秋澹。心情到別柔。梧桐一
葉露新流。昨夜燒香。鈿合未曾收。

名家詞鈔 青城

青門引 閨怨

繡閣輕陰冷。針線慵拈自省。關心昨夢暗尋思。珠簾不捲。雨過飄殘杏。消愁有酒搖釵影。酒到愁邊醒。那堪密約多半無憑。猶向迴廊等。

醉紅粧

咏螢

隨星帶露慣飛颺。映珠簾入畫堂。坐人衣上晚風涼。身倚小。太輕狂。團團紈扇愛流光。倩纖手撲來忙。更揣郎歸明月盡。留幾點照鴛鴦。

雙調望江南

本意

名家詞鈔

青城

七

江南好。春色鬧芳叢。燕掠平蕪梅子雨。鶯啼香路杏花風。溪水碧痕重。江南好。秋氣歛青峰。霜葉紅於花。二月銀濤白似雪。三冬河渚泛芙蓉。

前調

江南好。東冶趁香車。邀笛步留三弄曲。穿針樓養六朝花。碧影遶窓紗。江南好。勝事不須奢。纖手剖香霜後橘。龐眉鬪韻雨前茶。沽酒箇儂家。

浪淘沙

竹亭秋旅

山外起秋風。碧水溶溶。半塘明月出疎鐘。望立劒池

霜欲曉。來問英雄。點石記生公。夢醒吳儂。一江楓
冷館。姓宮蕭。寺人歸絃管。歇目送飛鴻。

鷓鴣天 初夏

荷葉如錢貼野塘。梧桐新乳晚風涼。口噙紅豆無端
恨。手摘青梅別樣香。嫌小婢。怨檀郎。低持紈扇儘
思量。流螢幾點墻頭過。樹影參差月半床。

前調 春遊

紫陌尋春走鈿車。輕移羅襪倩裙遮。淺深綠黛雙描
岫。明滅紅衫一縷霞。釵卸雀鬢堆鴉。多情怕拾隴

頭花。自憐不及携筐女。未解閒愁學種麻。

前調 贈歌妓

十五良家籍。主謳嬌。移箏雁半含羞。西園北里何曾
見。盡說盧家有莫愁。歌扇底。舞伊州。果然端正又
風流。身輕願向雕梁語。莫鎖春深燕子樓。

木蘭花令 春閨

黃鶯啼過垂楊路。記得金鞍從此去。五更殘夢碧爲
烟。一日新愁紅是雨。闌干空憶別時語。羅襪痕輕
沾落絮。何須剗地起東風。早自銷魂斜照裏。

踏莎行

漢中司李會道扶寄王阮亭維揚見懷之作卽次來韻

斜日雷塘秋雲閣棧相思不設鴻溝限紅橋水外玉人簫青城巖下麻姑飯驛路千盤情塗一線秦山吹落平山雁別時飛雪滿漁陽夢來似絮縈淮岸

臨江仙

南鎮

一曲鑑湖山色裏秦皇此地曾遊空濛宛委碧雲秋千巖能競秀萬壑自爭流只有梅梁風雨夜畫龍猶吼深湫丹文綠字費尋蒐綠垣水外寺珠箔鏡中樓

名家詞鈔

青城

九

蝶戀花

離情

雨漲金塘紅意少桂漿蘭橈人去長安道燕子辭梁鶯又老雙眉誰畫留煩惱長短亭前花不掃臨水登山半爲情顛倒閣淚恐將郎意攪行時只說歸宜早

前調

舟過虎丘

月小山高閒縱步磬裊鐘流又值新涼度人影如烟花似霧真孃遮斷生公路數點峰巒呼不語酒罷歌殘正是銷魂處試問新愁添幾許鷺鷥浴盡芙蓉

雨

前調 登潯陽鎖江樓

獨上層樓雲漫漫。遠望廬山翠影橫。霄漢芳草斜陽。
飛斷雁。誰人能識廬山面。凝盼東吳同足練。飄泊
天涯。盡道離鄉賤。撥薛尋碑看不見。總由他色絲黃
絹。

一剪梅

和漱玉詞

夾岸芙蓉乍霽秋。妾上菱舟。郎去蘭舟。淡烟芳艸路
千重。雁叫西樓。月湧南樓。九曲寒江曲曲流。未斷

名家詞

青城

十

巽愁。又起今愁。書中兩字說加餐。葉謝枝頭。雨過城
頭。

漁家傲 遣春

吹徹鸞簫春漸少。落花隨意飛來悄。惹得愁人心似
擣。何計好。夢爲蝴蝶香中老。開到茶蘼春事了。深
情猶戀東風小。昨歲韶華今歲討。纏懷抱。勾除春曆
無煩惱。

鳳啣盃

贈小妓鶯初

曉日新粧矜翠鈿。畫堂鸚鵡遊人見。背立怕生疎破

瓜年幾羞迴面將玉指燃金線。袖遮紅裙拖茜慙。
姿惠性橫波倩情透黯無言。春風難鎖深深院晴絲
裊處鶯囀。

行香子

旅中述懷

輕擲年華作客天涯。染緇塵久。旅忘家。無窮芳草汗
漫星槎。恨漁舟笛。酒壚筑。戍樓笳。古驛晴沙。送盡
風花。立斜陽。暝樹栖鴉。不如歸去。臥對流霞。有雪中
芋。霜餘橘。雨前茶。

金人捧露盤

首春客湖南

名家詞鈔

青城

十一

楚山重。楚風怨。楚江清。渡岳陽。雪擁雲橫。湘君山鬼。
靈旗縹緲。若爲情。昭潭嶽麓。有梅花影。帶春星。畫
中帆。樓中笛。沙中雁。雨中城。恰上元。火樹銀燈。采茶
連唱。呀羅紅粉。雜嬌聲。離騷一帙。客牕外。月過疎櫺。

山亭柳

金魚池新柳

舊苑宜春。正柳岸風柔。飄灑水。傍粧樓。嫩綠偏近。鈿
轂微黃。斜掛簾鉤。便是藏鴉掠燕。惹起新愁。飛花
飛絮。青門外。香雲香雨。玉河流。腰能舞。眼能秋。帶結
同心。尚早絲牽。遠恨還留。繫得王孫歸意。芳艸池頭。

蕙蘭芳引 美人刺繡

柳絮飄殘垂銀蒜春風不度檢幾幅吳綾鸚綠鴉黃
新縷愁腸已斷好去續繒雲絲雨記檀郎舊日彩筆
會留花譜鳳枕描雙鴛衾畫對凝眸無語便絕代
針神繡出芳心幾許經營慘澹丹青雜組笑傍人輕
比廻文機杼

滿江紅

經邯鄲呂翁祠相傳爲盧生黃梁夢處

千里風沙行古道停車落日是何處崔嵬碧宇沁懷
動魄將相平生旅邸枕詠諧半晌蓬萊烏說高樓時

名家詞鈔

青城

十一

有列仙居叢臺驛吹笛者方外迹披帷者夢中客
望漳流濟濟水天一色殘奕山河唐與宋畫圖鐘鼎
今同昔笑人間富貴盡盧家何曾識

前調

與飲光亭彥南湖雨汎

柳雨荷風對數頃湖光如練記當日蘭亭修禊觴歌
芳甸公子西園臨玉樹佳人南國遺金鈿更從容人
靜夜珠來清波濺時事易谷爲岸繁華盡花如霰
問樓臺誰主空梁語燕烟市綺羅風物改畫船簫鼓
雲山換漫傷懷白髮倚紅裙君猶健

滿庭芳 別恨

雛燕初飛。嬌鶯無語。滿庭花影苔痕。離思萬種。滴淚
漬湘裙。那更烟橫霧靄。王孫草到處銷魂。河橋雨濕。
飄紅袖。別意近黃昏。恐匆匆。小垂手。慵登翠閣。獨掩
朱門。問蘭橈去後。何日相聞。欲說情悰。一二沉吟似
隔暮山雲。十年夢依然憔悴。愁黛幾曾分。

鳳凰臺上憶吹簫

悼亡

玉折蘭摧。珠沉蕙歇。從來好事難留。正風宜蘋藻。星
許衾裯。記得征軺北去。分手處。忍淚凝眸。偏今日舊

名家詞鈔

青城

十三

巢。雛燕萬種新愁。休休。返魂香杳。疑人間天上。未
隔鴻溝。聽蟲吟螿語。夢到西樓。多少離情欲訴。猛驚
覺。風落簾鉤。傷心也。端然靜好。瑟侶琴儔。

雨中花慢

感舊

眉萼容愁。唇藥留艷。曾逢楚玉高唐。正雲梳晚髻。星
的晨粧。茸繡春衫。蝶舞平頭。鞋子鴛翔似。牡丹經雨。
紅潮粉暈。仔細端詳。名爲翡翠。人是姬姜。深情都
寄。翽簧度芳歲。玉簫緩弄。蕙炷添香。一柱一絃。離思
九秋。九結迴腸。黃昏凝佇。風微畫幔。月過銀牆。

瓊牕寒

春情

蝶破晴烟。燕爭落絮。凝眸春路。小屋桐陰。坐聽流鶯
碎語。寶釵樓上舞殘紅。吳牋銀粉。書情素。將惜香心
事。梨溶棠浸。向天公訴。去去踏青處。朱橋新綠漲。
雙鱗信誤。歸來人倦。空印軟沙芳步。奈東風不管閒
愁。好夢櫻桃枕上譜。待醒來幾樹斜陽。又零鐘刺鼓。

金菊對芙蓉

秋感和辛幼安重陽韻

銅漏聲長。金虬燼冷。玉人自理絲桐。正鷺飛北渚。雁
叫西風。南山恰對東籬。酒數岸曲萬朵芙蓉。斜陽影

名家詞鈔

青城

十四

裏白蘋紅蓼。露濕霜濃。須信好景無窮。歎春去秋

來。老却英雄。儘朱顏黃土。千古悲同。除非携手赤松
子。丹成候九轉。從容騎鸞下。視塵埃野馬。午夢晨鐘。

念奴嬌

次飲光踏黠訪妓韻

簾櫳午靜。正荷香雨亂。風翻碧葉。小院闌干。扉半掩。
翠袖迎人。猶怯絲鬢低垂。腰支纖瘦。欲語詞仍拙。啼
粧怨粉。眉尖忽聚。如說。歎息才子違時。佳人薄命。

行事成悲咽。薄倖東風。誰是主。耳墜簪遺。纓絕浴後
輕鬟。夢餘滑箏。總怕牽人。捻淺憐深。惜含情。却怪蜂

蝶

木蘭花慢

寄內

江邊聊騁望。芳草渡接橫塘。正烟落孤帆。雲迷遠岫。
流水茫茫。黃昏又催蓼雨。恰蟲吟壞砌。逼繩床。可奈
離情如縷。好秋長是他鄉。遙知攬鏡怯新粧。金鴨
冷添香。况葉墜風簾。螢飛露井。鴻雁翱翔。休提一襟
涼思。縱憑欄何處見瀟湘。憐我緇塵古道。怎忘繡閣
斜陽。

前調 上巳

名家詞鈔

青城

五

春光看如許。又初試夾衣天。念贈芍采蘭。三月三日。
數盡榆錢。黃鶯漫教春去。歎香消淚滴。度華年。葉葉
柳絲官渡。雙雙鸚鵡晴川。蘭亭修禊。傲前賢。象管
叶鷗絃。正鳩婦啼紅。燕雛話綠。月冷鞦韆。空庭落花
似夢。笑良辰何事爲情牽。我自窄衫短帽。醉來芳草
閒眠。

齊天樂

東風

東風初試垂陽閣。新晴畫闌花萼。龍沫旋薰。獸銀乍
掩。夢裏溫柔。依約長安烟月。儘翠燠珠嬌。自憐飄泊。

問酒旗亭。雙鬢唱出詞人作。文園難遣寂寞。歎頻移帶眼。情同天各。靈鵲無憑。絲蛛多誤。何限春愁。拋却。迴文屢寄。憶瘦損。心情腰圍柳弱。縹緲南雲。有挑燈舊諾。

花發沁園春

荆南除夕

巷帖新符。門拈春句。驚道相逢除夕。舊臘晴川。今冬灑水。倏忽重看黃曆。競走兒童。將斷鼓零鈺。娛客宛然。見太古遺風。不似年時韶色。重記垂髫戲劇。闕

竹爆蓮燈。星光鳥夾。壓歲留錢。書聯游硯。整頓詰朝。

名家詞鈔

青城

十六

遊屐此日荆南。班衣欲曳。還于役。小苑梅花。應笑我絳雪堂前岑寂。

望海潮

中秋後三日錢塘觀潮

錢塘江上。雷轟電裂。雪山一片茫茫。蛟叟揚綃。馮夷擊鼓。素車白馬成行。衝浪試舩。看千橈萬槳。出沒汪洋。畫鷁鳴鬣。射潮勁弩。說鏐王。遊人睨視蒼黃。

漸瀾迴波息。川色山光。玳席啣盃。朱輪鬪轂。蛟門屨

渚斜陽。平地還成險。便沙痕增減。分得滄桑。明日西

湖汎尋舫。縵綺羅香。

金粟霞扶明珠星的。羅襪餘春。看斜纏綾素。弓跌偏窄。初描繡譜。鴛跡微勻。過去簾前。舞來掌上。得印青苔。曉露痕銷魂也。倩檀郎溫捻。生拽芳心。遮餘蛺蝶紗裙。更占斷清歌。按拍頻。便寶釵樓裏。一聲響細。鞦韆架底。兩點紅侵。步步生蓮。彎彎似月。雅稱腰身。不起塵蘭燈滅。怕粘人香夢。堯上些跟。

白芋 閒情

絳蠟殘。又擁出半輪明月。鄰簫街鼓。將一床香夢奪。

名家詞鈔 青城

七

裊楊枝。畫簾影動。東風活。金管暖春纖。寫離情地長。天濶。換羽移宮。流水高山欲咽。早安排斷腸。午夜寒時節。淒切樵樓更點。漸近鷄聲。東方將白。偏響丁當。簷鐵。却兩點星眸。雨漣波折。澆愁唯酒。奈愁多難醉。金爐空爇。悵望前裙路。東城舊約。閒拋撇。枕上鴛鴦。何事無離別。

錢爾斐

續章

曰青城詞綿延幽冶秀色撩人其為

排蕩雄奇驚魂奪目文心之妙真有與蜀中山川形勝相似者近世填詞家不曰秦柳則曰辛劉然琢句妍麗者往往不協于律而考律精核者又尠自然之趣求其匠心獨裁體兼衆製如青城者未之見也青城發源岷嶓為道書第五洞天今以名詞不忘蜀也

曹秋嶽

溶

曰溫麗者古人之醞藉踈放者後習之

輕佻非漫以周秦辛陸論也先生留心名理不

名家詞鈔

青嶽

十八

尚浮華每於花落酒闌吐言成妙本以嘯歌為適非矜字句之妍讀者當知先生集聲教之大成於一唱三嘆之間得之不可以溫麗踈放限之也

昔文場自然之趣其詞必澹然野乘其趣隱然澁向散麗者至其不協于律而考律精核者又尠自然之趣求其匠心獨裁體兼衆製如青城者未之見也青城發源岷嶓為道書第五洞天今以名詞不忘蜀也

名家詞鈔目錄

廬陵 聶先 晉人

長水 曾王孫 道扶 纂定

南朝詞

桐城 何采 省齋

貂裘換酒 三調 海棠春

滿江紅 三調 踏莎行

沁園春 行香子

摘得新 二調 採桑子

名家詞鈔 南朝目錄

木蘭花慢 蝶戀花

高山流水 風中柳

鵲踏花翻 醉春風

望江南 四調 水調歌頭 三調

山花子 風流子 二調

漁家傲 臨江仙

虞美人 無愁可解

水龍吟 八聲甘州

佳人醉 明月棹孤舟

醉落魄

雨中花

西江月

燕歸梁

摘紅英

隔簾聽

鳳凰臺上憶吹簫

名家詞鈔

南朝目錄

一一

南磧詞

桐城 何 采 省齋

貂裘換酒 送唐濟武渡錢塘

僕本悲秋者。少年時安仁紅淚。白頭重灑。越嶠狂游
逢唐介。載得滿船書畫。杯泛處。沉憂聊瀉。三十三年
談遺事。似檀槽撥出開元話。留我輩。舊聲價。與君
神武冠同挂。儘紛紛四豪賓客。五陵衣馬。擔簦乘車
臨岐路。漫說相逢當下。且掉臂林間共把。欲寄雙魚
憑潮信。有千鈞強弩。休輕射君去矣。我歸也。

名家詞鈔 南磧

前調 答張毅文

天子門生者。羨香名得邀。宸翰屏風清灑。僕在
先朝曾供奉。舊識瀛洲圖畫。今喜得詞源新瀉。吏部
文章埋黃土。 毅文為同年 翰存考功子 有蘭臺續史增佳話。鳳池
客。雞林價。野夫牛角無書挂。愧行行智驄神駿問
塗老馬。一代國門名山業。不比梁園稷下。南董筆君
其牢把。金鑑千秋君家事。莫只誇祿閣藜光射。無可
贈。贈言也。

前調 聞雨追悼清河若

秋雨多情者。卻從人耳邊心上。蕭蕭齊灑。一片吳山
烟中樹。攢簇眉峰難画。聽入夜銀河如瀉。亂滴啼螿
衝哀雁。似擣砧拋織。淒涼話。愁欲買。幾多價。布帆
數向西湖挂。每丁寧秦樓壓酒。蘇堤繫馬。昔日戲言
今朝淚。和雨一時同下。龍鍾袂有誰重把。無焰殘燈
幢幢影。更溼雲暗度。酸風射。苟奉倩。神傷也。

海棠春

題画山喜鵲栖海棠

提提似欲歸飛起。却道是。鶯斯弁彼。紅豆淺開脂。碧
玉深拖尾。眼前鳥語和花氣。應只有閒情。管理画

得一園春。喚出三山喜。

各家詞鈔

南窗

滿江紅

同杜涓村方邵村飲李氏園亭聽歌
觀瀑

江左風流。送我到晚涼池閣。恰正是鸚哥低叫。海棠
微落。瀑滿軒窓。山滿牖。月生屏幃。香生幕算。四時佳
處在清秋。忙尋樂。疏水石。專丘壑。洗箏笛。精絃索。
羨紅牙碧串。谷兒菱角。高興忽因良友發。中年恒恐
兒曹覺。吐狂言一笑。紫雲迴。渾忘却。

前調

九日雨中飲許穎長亭子

採菊東籬。應喚作淵明佳節。絕勝似燈船簫鼓。星橋

花月一瓮老春歌白苧。滿庭小雨翻黃葉。儘今朝仔細看茱萸明年說。知誰健。愁須撥。用我法。情偏愜。况霜螿盈把。露蟬低咽。舊識漸稀詩酒伴。新銜重補。漁樵闕。更休教落帽晚風前。羞華髮。

前調 送吳介茲遊汝南

季重風流。是吾友中丞揖客。笑我輩酒驅詩使。眼隨頭白。武子亡時。孫楚慟。孟嘗死後。馮驩別。聽一聲杜宇。叫清明。鞭梢月。黃金盡。交難結。青山改。交難絕。看鬚髯似戟。肝腸如鐵。王粲樓前楊柳雨。袁安宅畔。梨花雪。問梁園賦手有人無。歸來說。

名家詞鈔

南朝

三

踏莎行

爲周樸園題秋林驅衛圖

遠岫如雲。疎林似薺。青驢不羨青驄轡。除却邯鄲與灞陵。要尋一箇無愁地。何地無山。是山皆地。看來只少閒人計。身閒端不比。心閒。更在秋原繫。

沁園春

送顧云美還虎丘墪影園

望岫亭前。熱客全疎。俗士請迴。似桃源面面。都無人問。蓬門寂寂。始爲君開。月下扶藜。雨中着屐。花底相過。日幾迴。爭猜道道。彼翁癡絕。此老狂哉。偶然歸。

去蘇臺。莫漫學江南。庾信哀。幸眼明身健。歡多累少。
園浮塔影。山倚城隈。虎阜稍停。烏衣重到。笑指白鬚。
門外來。相期處。在南村弱柳。東閣新梅。

行香子

題邵村爲梁公子画嘉莊農隱圖并和其詞

山色溪光。鬱鬱蒼蒼。画田家一幅儲王。稻風吹綠。麥
浪翻黃。添幾株楊。幾竿竹。幾頭桑。阡陌陂塘。雞犬
牛羊。似桃源引入漁郎。浮雲富貴。流水行藏。是衛公
園。謝公墅。晉公莊。

摘得新

小圃種蔬二調

名家詞鈔

南欄

四

老圃家。青蔬間綠芽。劉郎何必去。看桃花。兔葵燕麥
東風裏。儘繁華。

前調

浪得名。瓜丘稱邵平。何如蔬圃裏。老雲卿。魏公不了
當時事。也休評。

採桑子

題画

東風吹遍青無數。花意嫣然。松意翛然。襯出朝烟與
暮烟。人家住在幽篁裏。山到窓前。水到門前。不是
樊川卽鞦韆。

木蘭花慢

瀨上作

長干逢小艇。乘興處。趁東風。只一領羊裘。一編蠹簡。一隻鳩筇。偶來投金瀨上。聽荒城。破寺打霜鐘。仲叔蕭條安邑。長卿慚愧臨邛。婆娑人影。月明中。且閒數歸鴻。看熱客。稀疏。老兵生硬。醉袖龍鍾。不禁忽然長笑。把輕身底事。作飛蓬。強酌官廚白酒。莫辜僧舍丹楓。

蝶戀花

月下看牡丹

葉葉枝枝偏冉冉。作意遲開。似把春光餞。天半玉臺

名家詞鈔

南欄

五

懸寶鑑。嫦娥粧罷。臙脂濺。好月好花。休浪遣。白髮青樽。襯出紅深淺。魏紫姚黃。虛過眼。洛陽誰話錢。惟演。

高山流水

河亭納涼同抑庵念劬

火晶照出火雲焦。看炎炎。袞袞勞。揮汗正滂沱。最憐熱客堪嘲。空留得。永晝清宵。容吾輩。消受風前細柳。雨後甘蕉。况扁舟短楫。一水逗雙橋。逍遙。追涼到

河上。渾不異。聽濶觀濠。偕勝侶。蔡襄逸興。于頔高標。滿斟酒。釀鬪詩瓢。各分曹。相與幕天席地。墮月橫杓。

任元規紅塵十丈扇輕搖

風中柳

吾○亦○爲○之○雖○是○執○鞭○也○好○不○可○求○從○吾○所○好○文○人○無
賴○枉○送○窮○乞○巧○却○惹○得○鬼○憎○人○笑○千○古○窮○愁○無○過
陶○公○杜○老○只○空○留○幾○篇○詩○稿○四○松○五○柳○勝○十○洲○三○島
餓○神○仙○蠹○魚○難○飽○

鵲踏花翻

人日病小愈東抑菴兼促和詞

春○雪○盈○頭○春○風○刺○骨○同○君○病○裏○相○憐○耳○年○年○此○日○題
詩○偏○是○今○年○却○逢○人○日○人○如○此○未○能○降○得○樂○天○魔○自

名家詞鈔

南 閣

六

難○送○去○昌○黎○鬼○眼○底○落○落○故○人○無○幾○出○門○便○到○君
家○矣○只○待○簷○外○花○開○倚○邊○水○滿○瓮○裏○新○筍○美○一○杯○渡
入○醉○鄉○津○百○壺○灌○下○愁○城○壘

醉春風

與兩弟兩兒夜酌

得○笑○須○開○口○得○閒○須○聚○首○眼○前○屈○指○富○豪○家○某○某○某
喚○弟○呼○兒○青○燈○白○話○可○如○吾○否○無○炭○須○燒○篋○無○肴
須○剪○葦○樽○中○謀○婦○不○時○需○有○有○最○愛○嬌○孫○挽○鬚○掉
舌○頻○催○乾○酒○

望江南

江南好。海蜃駕山鰲。明角作花珠。作葉。料絲名鈕紙
各包。剔墨妬鮫綃。

前調

江南好。白兔共青麇。翠羽巧梳金絡索。錦鱗戲唼碧
玻璃。五百鬪坊雞。

前韻

江南好。陣陣軟紅奔。白馬剪鬃烏豹飾。蒼鷹鞞臂紫
貂溫。芳草盡王孫。

前調

名家詞鈔

南朝

七

江南好。蜀罽搭秦樓。雞舌香吹鶯燕口。蝦鬚簾映鳳
凰頭。蜂蝶亂春愁。

水調歌頭

獨酌和稼軒韻卽用起句

頭白齒牙缺。冉冉已成翁。浮雲於我何有。樂亦在其
中。三十六巖生長。四十九年游戲。將老更還童。倘欲
問真訣。莫放酒杯空。酌三盃。傾兩盞。勝千鍾。有時
一斗一石。天地也。鴻濛不問。鵬飛鷗徙。何況燕來雁
去。南北復西東。作者七人矣。獨酌與誰同。

前調

祝余曼翁六十卽和杜祝原韻

歲月忽焉邁。荏苒竟忘天。非君記我生日。我漸不知年。我已不婚不宦。君乃獨清獨醒。易地則皆然。休作晨星歎。落落尚人間。靜如鷗。瘦如鶴。冷如蟬。笑看退筆如帚。破硯可如田。我以蹉跎當壽。君以安閒當富。何必計虧全。我正斂棋手。君莫聳詩肩。

前調

疊前韻寄祝曼翁七十

南礪主人白。珍重早秋天。澹心足下無恙。七十正今年。八十申公束帛。九十伏生授簡。寧若啓期然。帶索咏三樂。擺脫利名間。鬪飛蛾。嚇腐鼠。耀雌蟬。悠悠雲外古鷗。白露響青田。世俗盡皆欲殺。造物每常相忌。垂老此身全。惟我與君耳。四海絕隨肩。

山花子

題畫梅花和稼軒韻

看去春愁強自排。前花合被後花催。記取一枝留畫裏。認真栽。二十四番風不管。縱教畫裏也吹來。只画半開休画到。十分開。

風流子

客問

客來相問曰。公何故恁不合時宜。看酒色神仙。粉紅花艷。功名將相。瓠白糠肥。子何子。是貧還是病。如醉。

復如癡。董項易強。陶腰難折。潘頭黑少。阮眼青稀。
金門曾遊戲。人傳道磊磊。落落襟期。直欲打驅妖蜮。
奏礫彭尸。似蘇公雅謔。京悖切齒。賈生痛哭。絳灌低
眉。留得桂薑辣性。蒲柳衰姿。

前調 答客問

戰然而答曰。卿曹坐聽我舊詼諧。曾宮錦拂箋。鳳凰
游去。岑牟搗鼓。鸚鵡題來。更堪訝陸雲方好笑。庾信
忽生哀氣。壓寶田安。知程李心雄班馬。不數鄒枚。
今將知非矣。蚩蚩地不是少壯情懷。却把五官收起。

名家詞鈔 南朝

九

八○字○推○開○向○殘○山○剩○水○烟○霞○淡○處○鳧○盟○鹿○友○鶴○侶○鷗
○儕○此○外○黃○梁○半○枕○白○墮○三○杯

漁家傲 莫愁湖上作

高閣憑虛曾一醺。頓成三十三年事。場圃縱橫亭館
廢。依稀記斜陽落處。清涼寺。回首可憐歌舞地。烟
鬢却比霜髭悴。喚道莫愁愁莫寄。花濺淚。空傳南國
佳人字。

臨江仙 咏芍藥花

供奉花牋妃子硯。三郎長笛親調。玻璃七寶酌葡萄。

盤龍飄綠地。飛燕暈紅潮。士與女兮溱與洧。風人作意輕佻。衰顏休被艷容嘲。玉盃新白髮。金帶舊黃腰。

虞美人 咏虞美人草

歡呼壁上悲垓下。一似花開謝。要知何處是英雄。博得美人心死楚歌中。馬遷不記虞兮死。芳草爲青史。傳將名字學腰身。誰數漢宮曾舞戚夫人。

無愁可解 生日和東坡韻

取舍萬殊。俯仰一世。看來沒甚滋味。小年和大年。莫

名家詞鈔 南欄

十

分別箇到底。若說人生行樂耳。行過底在那裏。剛算着去日多。來日又去。留得也未。問有甚計留他。道休把清閑換將名利。名利雖則錯。豈必清閑便是。縱使清閑獨屬你。也只在冷鑪之外。怎能使晦朔春秋。盡忘。只三萬六千醉。

水龍吟 重陽前四日雨中聞雁

秋之爲氣悲哉。况聽邊雁悲無所。千嶂峰外。萬重雲裏。數行遙度。滿地江湖。滿天兵甲。滿城風雨。惜半開黃菊。半凋白髮。休嗟唳登高處。聞道衡陽歸路。六

軍中傳催箭羽聲隨霜落影搖波動人將射汝菰米
漂零荻花蕭瑟似吟如訴勸冥鴻只向平沙淺水與
輕鷗侶

入聲甘州

辛稼軒夜讀李廣傳作此詞爲山
居之約余倚聲而和之蓋有感于

霸陵
尉也

飲田間匹馬短衣歸嗟哉故將軍看衛青不敗張騫
且貴王朔休詢莫嗟封侯拜相李蔡下中人才氣無
雙者命相偏屯眼底崎嶇呶呶昔藍田畏路今在
通津縱驚弦裂石援臂屈難伸故寧逢南山猛虎遇

名家詞鈔

南朝

十一

霸陵醉尉轉逡巡何須說夜行不識識也應嗔

佳人醉

贈楊生孺小星花燭

繫得五絲一絡綽約低垂纖手正雨晴時候蘭橈樺
燭桃葉依舊醉倒溫柔鄉裏勝醉鄉千日中山酒

停舟借問邀笛步前比將石臼

生孺居中
山石臼湖

一樣波光

否儘消受櫻桃笑口遮莫再添楊柳

明月棹孤舟

用陳氏故事題贈集生

一室掃除如斗大任車馬四方相過有鞞頻投無函
不答應似當年驚坐百尺樓頭君且臥莫輕把元

龍控。感遇詩成。市中傳遍。豈待胡琴捶破。

醉落魄

端午

忽然大笑。世間只有天公巧。過來端午重來到。一曲秦淮。消幾箇年少。眼昏不耐榴花照。耳聾不耐笙歌鬧。身衰不耐丹砂療。老子平生。難與外人道。

雨中花

端午後一日抑庵雨中招飲

簇簇笙歌。桃葉渡。試問取王郎何處。這懶散心情。豪華景物。只似秋將暮。世上幾人知酒趣。捋白髮樽前聽雨。喚叔夜攜琴。伯倫荷鍤。向醉鄉行去。

名家詞鈔

南朝

三

西江月

次邵村

誰把朱絃綠串。教成碧玉紅綃。算來九十日春朝。一日歌翻一調。且向旗亭行去。三人同醉松膠。要知若箇調偏高。只待雙鬟唱到。

燕歸梁

新燕掠水

烏衣巷口落花時。翠尾參差。似憐紅雨漾清池。重銜上。畫樓窺。倦飛鳥亦知還矣。愛栖隱故追隨。曲江曾咏。暫來詩。教鷹隼莫相疑。

摘紅英

春歸前二日念劬招同抑庵小飲

春空老。人空老。匆匆白髮憐青草。來何處。歸何處。纔是當場。便成前度。春殘了。花殘了。不如現在幾杯好。春休去。人休去。逢春共醉。暫留春住。

隔簾聽 閩促織

結客少年場上。看振莎雞羽。蚩蚩分隊。嚶嚶伍。把狐白裘輸。鶴文綾賭。如走鶩。可相憐。小窓織女愁。機杼秋砧萬戶。髣髴哀征戍。陣雲邊。月消寒露。淒涼宋玉。飄零杜甫。悲哉賦。低垂白頭吟苦。

鳳凰臺上憶吹簫 登鳳凰臺懷李太白鳳皇臺二詩

名家詞鈔 南朝

憑弔金陵。鳳皇臺上。悠然鳳去臺空。問何年晉代。何地吳宮。太白彈絃置酒。延落景。吹出東風。登臨處。長波寫盡。萬古心胸。無庸漫呼豪士。且醉倒金罍。催聽歌鐘。嘆衣冠陳跡。花草迷踪。不見三山半落。青天外。二分水中。休惆悵。浮雲蔽日。愁日難窮。

春空老。人空老。匆匆白髮憐青草。來何處。歸何處。纔是當場。便成前度。春殘了。花殘了。不如現在幾杯好。春休去。人休去。逢春共醉。暫留春住。

湯潛庵

賦

曰。省齋先生。文章風雅。爲詞林領袖。遊

湖山。六橋烟樹。雙峰白雲。杖履幾遍。時同年
不期而聚者六七八人。携酒登高。賦詩倡和。甚相
得也。追憶昔時長安並轡。忽忽三十年事。少壯
者今鬢髮種種矣。酒酣爲小詞數闕。蕭涼高逸。
王與稼軒放翁馳騁上下。濟武先生將南遊太未。
余以使事告竣。亦且北歸。嘆我輩相聚之難。而
後會之未可期也。不能不撫卷流連云。

余曼翁

檄

曰。省齋上相子孫。少年科第。視富貴如

名家詞鈔

南欄

十四

浮雲。閉戶讀書。孤行一意。多怪少可。蓋嶽寄厓
落人也。酒邊花下。信筆填詞。非陸非辛。亦蘇亦
柳。老子婆娑。暮年蕭瑟。惟我與爾有是夫。

王議將

謨

曰。先生爲東林君宗。遂初以來。端坐一

室。潛神契道。澹泊自如。今東林蔚然興起。道南
倡率。舍先生其誰與歸。先生與潛庵湯宗伯。吾
師邁人王方伯。同時登第。各以闡揚道化爲任。
又皆於樂府擅場。豈吾道亦不外於紅牙檀板

間耶。

名家詞鈔目錄

盧陵 聶先晉人

篋定

長水 曾王孫道扶

秋閒詞

長水致王庭 邁人

點絳脣

春光好

卜算子 二調

巫山一段雲

海棠春

南歌子

杏花天 二調

臨江仙

名家詞鈔秋閒錄

黃金縷

破陣子

青玉案

祝英臺近

越溪春

驀山溪 二調

滿江紅 二調

水調歌頭 二調

滿庭芳

醉蓬萊

八聲甘州

三姝媚

念奴嬌 二調

東風第一枝

水龍吟

綺羅香

永遇樂

安公子

風流子

沁園春

摸魚兒

二調

蘭陵王

名家詞鈔

秋閣
月錄

二

秋閒詞

長水 王庭 邁人

點絳脣

訪友賀橋卽事

曲港萍開。輕舟緩動。微風起。人家能幾。一半縈流水。
樹倚危橋。帶得昏鴉語。情何許。淡烟如雨。秋在斜陽裏。

春光好

晴日麗。雨花新。正當春。船下清波陌上塵。逐情人。
輕踏枝邊鶯路。徐看水面鴛紋。舞欲隨風歌遏雲。有

紅裙

名家詞鈔 秋閒

卜算子

和辛詞

客亦似烟霞。走且如牛馬。不識先生何許人。世上悠悠者。
薇蕨野蕪糧。柴竹村莊瓦。耐得山家不壓貧。我盍歸來也。

前調

自嘲

試鞞紫絲韁。一躍青踪馬。腰下隨懸三尺刀。我是行間者。
藥蓋豈非榮。挾彈何妨雅。見獵平生有喜心。莫謂先生假。

巫山一段雲

千載風流事。惟應宋玉知。往來朝暮幾相思。慚却夢
無時。易得幽期許。難爲才子期。安排雲雨待新詞。
何事竟無詩。

海棠春

燈花

黃昏牕外沉沉雨。冷照壁一燈如水。小燄吐雙花。爲
報明朝喜。縈烟黯黯。搖光疊疊。似對愁人細語。花
落肯重開。再把燈挑起。

南歌子

齋夜

名家詞鈔 秋閒
二
掩卷深思歎。焚香妙氣迎。紙窓時過暗風聲。又有潺
湲灘響枕邊生。漏向前街斷。鐘於近寺鳴。心持半
偈夢來輕。消得重來愁。嘆許多情。

杏花天

和史蘧菴登烟雨樓

長堤貼水芹芽短。斷烟裏猶存舊館。遊人過處鐘聲
晚。日影西林落半。燕飛去。波間剪剪。垂楊柳。風開
面面。憑高未許。雙眸倦。且看紅霞千片。

前調

咏茶

春風摘自織纖手。品名泉每携嘉友。爐香清絕堪相

偶愧爲狂夫醒酒。煩悶解飲之既久。慵倦至廢之。還又心中快活難于口。不盡形容黃九。

臨江仙

放言

眼見古人今盡死。今人後又如何。文章雖是得名多。劫灰終有待。莫道不消磨。但苦人生長失意。應知鬼有蹉跎。黃錢一陌尚爭他。夜臺多少路。何處不奔波。

黃金縷

寓恒陽署後齋作

牆外轆轤聞汲井。小院門深鎖。任西風冷留得方庭。

名家詞鈔

秋間

三

天一頃。斜陽樹樹添鴉影。薄酒依然愁不醒。漫展囊書。燈落燒殘燼。獨旅中宵心易警。更深惡甚偏教

破陣子

村晚

未換林邊綠葉。初開籬下黃花。寂寂無人常吠犬。荒荒薄暮正啼鴉。前村秋幾家。偶墮兩聲暗雨。還開一縷明霞。溪浪須催風箭急。山光遙映月鈎斜。歸來酒要賒。

青玉案

對奕解朝

生來未辨碁中味。但隨手如兒戲。消得日長還事。無謀憑笑。忘機遍適十局。須臾既。何人苦作爭先計。殺路相逢早。知避。戀子難時多也。棄勝不求完壞。無思覆省却閒心費。

祝英臺近

秋步用稼軒韵

朱雀汀烟淡淡。此地似秋浦。落葉蕭蕭。此日又零雨。過橋恰見前村。竹垣深護。試相訊。何人曾在。遙天覩。又見飛雁南來。雲中遠。堪數。岐路驚心。怕聽亂鴉語。便歸牢掩柴門。閒愁多處。遣不得。砌邊虫去。

名家詞鈔

秋間

四

越溪春

湖夜

常在最高樓上坐。日夕見西湖。画船載妓。懽游徧。過夕陽。徐歇笙歌。波影凄迷。山沉雲樹。城鏤烟蕪。鐘聲近寺。應多林外噪。棲鳥夜深。三里五里。緩步尋吟。覓醉無徒。夢逐梅花偏冷。人看皎月同孤。

驀山溪

春游

東風暖。也做出晴光好。走馬試輕塵。新綠徧齊齊。軟草垂楊影。裏露出幾紅桃。蜂未過。鶯聲早春到。三分了。尋芳女伴。路踏遺香。娘輕薄。那兒郎。慣欺人。追

隨。莫。惱。旂。亭。買。酒。酪。前。各。忘。歸。湖。波。澗。迷。烟。渺。遠。浦。
漁。燈。小。

前調

夜集用秋嶽韻

夜還來也。更覺秋無賴。門鎖棘垣深。但相見須償酒債。昨宵雨過。今夜月如何。愧作賦。與彈碁。適我聊爲快。英雄在坐。意氣須豪邁。壯業起攀鱗。歷諸艱。成一敗。姑言妄者。尚有夢堪誇。憑入穴。且乘車。此事君休怪。

滿江紅

漫吟

名家詞鈔 秋間

五

亦復奚須。守蠹簡。皇皇謀食。應問我於今。誰是救時之急。科目。拔人。曾得五文章。用世聊知一待。并將盤錯。付他年。嗟無及。正直者。徒存筆。高明者。還。亾。室。苟行藏。詳審。豈辭終逸。原憲謂貧非是病。向平讀損。何如益。任南山。北與北。山南。堪棲息。

前調

唐濟武曹秋岳吳山倡和次韻

傾蓋非他。恰宇宙。聞名相識。因結伴。高城山頂。重湖橋北。載酒鳴箏。孤夜舫。尋花踏雪。雙寒屐。道人間放浪。有吾徒。堪同客。情鷗鷺。盟無圻。才龍虎。耐還敵。

笑榮枯影事。賢寓塵跡。頭在三公。猶是黑眼逢一世。當爲白待重來。鴛水續清歡。寧忘昔。

水調歌頭

解嘲

造化爾何物。顛倒使人疑。可能食肉皆鄙。岩穴果多奇。假使巢由軒冕。共效夔龍勲業。優劣正難知。孰謂問津叟。未必勝長沮。各當敗。功輒幸。數多奇。射虎南山。飛將奴僕。不能如江上坐談劉表。若使遭逢平世。鼎足豈非宜。生亮正須爾。何事又生瑜。

前調

名家詞鈔

秋間

六

印佩畏親串鼎食。傾諸侯。正自不能不爾。貧賤使人羞。假令王章妻子。便以牛衣終老。對泣幾時休。寄謝孔門侶。甕牖爾何求。英雄事。須慷慨。會風流。昨夜南塘出者。擊節誓還酌。行樂東山安石。捉鼻爲蒼生起。殷浩豈其儔。江上有漁父。憔悴笑靈修。

滿庭芳

旅次

葉墮霜黃。魚翻波白。晚雨還渡重湖。北來飛雁。正遇旅人孤。聞說西風信惡。水霜驟。馬足難蘇。情須怯。行千里路。未半是長途。前宵村店宿。床支折軸。壁臥

殘蘆怪濕烟。烘竈難煖。提壺夢起。幢幢燈影。征鞍促短髮寒梳。朝光黯。霜橋凍滑。中渡僕頻呼。

醉蓬萊

壽懸崖和尚六十

怪人生易老。縱入空門。亦既衰矣。試問行年。半趙州云爾。短髮多華。倦眸微徹。但舌存遺齒。善病維摩。衆生難愈。故應如此。一昨我來時。小窓晴日。吟句談經。躍然而起。世壽當知。有無生深理。墻角梅花。池頭楊柳。漏洩禪心。幾歲歲常新。看師曳杖。向春風裏。

八聲甘州

聽琴友秋鴻曲

名家詞鈔

秋間

七

乍排成一字。下長空和響。到沙中正。晴波將黯。浮烟浙浙。織月濛濛。踏盡寒蘆不定。爭宿意匆匆。深夜頻驚醒。語夢猶慵。解有司更傳警。是孤畱隻影。夜繞寒叢。趁朝光微動。一隊起霜風。爲呼羣飛。高還下。漸嘹唳遠去。入雲重。知多少。關山清怨。寫盡絲桐。

三姝媚

和詹惟正宋宮人北舟

載千冤。萬苦繞蓬牕。號聲淚點。淒楚別話。難尋只石塘。銜接去舟。堪數短纜。頻催怕將盡。三吳鄉路。江遠茫茫。河激湯湯。歸魂消阻。粉褪脂殘。衆侶知都是。

深閨嬌羞見女地。北天南。眼前人誰痛。愁花泣雨。此後升沉好。只有朱門歌舞針線多。羣旦夕須擽塵土。

念奴嬌 咏淚

孤心盡稿。怪兩眼難乾。盈盈猶在。清鏡暗潮生。幾度信得愁根如海影。落空床。聲沉遙夜。枕上千行載。開箱還驗石榴裙。色須收。明是點點成珠。滿懷收拾。試倩何人賣。宿睡未消。紅粉漫又有新痕。相待細與絲牽。急於弦行。袖掩終無柰。滴他池水芙蓉垂。死奚怪。

名家詞鈔 秋閒

前調 舟次

長風載浪。片帆輕許。壓離愁千斛。雨歇微寒。風墮盡。人遠征鴻過目。十里斜陽。孤村落葉。做得秋容足。故人南別。多情畱製新曲。可知別後長途。沙塵漫漫。短草從無綠。聞說登臨何處好。現壘萬山成禿。魯酒難甘。吳綿欲瘦。夢冷荒原宿。黃昏燭影對看。惟有僮僕。

東風第一枝

和葉星期贈陳子莊來修郡志

業繼陽秋。編分越絕。藜光夜煥仙院。餘才遇物生情。

賦雪咏梅殆徧尋吟次第已到了紅絲巢燕越日長
點筆苔箋不住楊花飄視搜有句一囊俊艷酌以
字萬縑笑賤諸侯愛若瓊枝肯放庾樓興淺陪歡記
昨看顧曲當筵初倦想去時薄夢殘燈醉倚一床書
亂

水龍吟

春感

夾湖十里長堤誰家車馬香塵轆厨呼脯椽門邀鯖
客紫絲障就花底篔簹風邊裙繫懽觴稱壽見紛華
自悅芳菲待拾肯追步他人後閉戶閑來白晝隔
眉常皺

名家詞鈔

秋間

九

綺羅香

熒火

巧入簾中偷過扇底清簟俄流星影乍遠因風還被
風迴吹近一點點移上羅衣恰信道秋來光冷爲丁
寧莫去墻陰且教畱伴夜闌永香烟將斷金獸乍
滅蘭缸胆小空房私警尚賴微明偏照深更愁醒凝
倦眼殘夢難成映離顏孤心齊耿卜人歸常比燈花

不知誰有準。

永遇樂

九江風雨

千里飛帆。琵琶亭外，舊津何處。近岸偏開，臨關偏阻，淺泊隨波任。漂散鄰舟，呼號特地，聲亂長飈來去。燒微明蘆洲一點，恰照見城頭樹。深夜倉皇，傾牆斷纜，奔走長年無計。對酒忘斟，求眠失寤，雅量人何許。遠聽鳴鷄，漸聽吹角，一雨沉沉天曙。平生嘆江關嶺塞，百憂千慮。

安公子

夜泊見村桃用柳耆卿韵

名家詞鈔

秋間

十

烟際絲絲雨濛濛。野水荒天暮。小艇冥冥移漸遠。過幾堆沙鷺。逗疎光人家燈火明前浦。聽鄉音楚楚。村童語近小橋收纜。微辨牆頭紅樹。此夜驚孤旅。漫尋仙境吟還好。世上桃源隨地有。只迷津深處。想幾日啼鶯舞蝶。交枝聚。將落花未爲東風苦。愧俗駕難留。誰教遣漁郎去。

風流子

憶嘉陵

東風消接雪。雲開處。吹出衆山青。見墟落炊烟。十家成邑。荆榛行跡。千里無亭。停車住。城門巢鵲噪。衙舍

井○葵○生○子○爾○閒○身○凄○然○靜○夜○半○簾○月○影○一○枕○灘○聲○
四○郊○頽○凝○望○西○南○近○惟○有○寇○壘○縱○橫○常○畏○邊○烽○方○起○
客○灶○偏○增○豈○窮○困○蒙○憐○終○當○恃○賊○追○遙○用○戒○竟○罷○留○
兵○驚○心○最○多○行○事○常○憶○嘉○陵○

沁園春

春思

昨○夜○孤○燈○今○朝○細○雨○明○日○輕○風○漸○春○吹○草○徧○情○歸○陌○
上○鶯○知○花○別○語○解○林○中○煖○欲○浮○烟○晴○知○捲○霧○景○物○撩○
人○似○恨○濃○移○時○坐○有○小○橋○流○水○隔○寺○霜○鐘○陰○搖○竹○
影○重○重○又○響○入○蕭○疎○三○四○松○看○飛○飛○胡○蝶○依○人○嫋○嫋○

名家詞鈔

秋間

十一

紛紛柳絮撲書濛濛最是無聊渾忘有約悵望行途
靡所從閒尋處記黃公壚畔宋氏垣東

摸魚兒

答曹秋岳

占人間一生秋望園林全具秋思潛身十載棲遲後
偶出還欣歸駛身倦矣也自戀鐵舟橋畔迴波水浴
鷗隊裏野趣十分長風披月臥愛有露沾袂關心
處在近寧忌黨里倉漕爲計夫米修書萬卷能無憊
要遡興亡緣起隨俗事只幾日桂丹萸紫連催醉知
君漫寄觴咏亦徒然平生作達何物使情繫

前調 咏尊

正晴湖幾番烟雨。春光都在流水蘋花萍葉微開處。
影動纏水青縷。差可喜。中恰有清涼一味銷新暑。堪
供野箸。果滑不沾唇。肥還膩。舌脆又不勝齒。憑調
酢。莫下尋常鹽豉。村厨淡泊。偏旨清波小漿隨相取。
豈待遐求千里。還自侈稱土物。江東品竝鱸魚美。堪
勞客思。笑歸計何遲。秋風方起。採已過時矣。

蘭陵王

過晉故宮和朱竹垞

故關出千里。西來路直名城壯。烟火萬家。獨有空宮

名家詞鈔 秋閒

十一

守亡國。銅駝棲亂棘。高闕長廊留昔。荒臺冷。風柳露
桃。也做年年黍離泣。從前事非一。笑避井何愚。焚
樓滋戚。金牀玉枕。歌傷惻。問梁苑遺鬼。吳宮歸燕遷
移時代。誰舊識。蜀鵬正啼得。愁極。又堪釋。任砌落
瓊瑤。梁剝丹漆。封塵尚謝他人室。爲喚啓闔鎖。潛携
游屐。多才懷古。有好句。寫粉壁。

丁荔園諱曰。先生兩總雄藩。依然布素。從不作金華殿中語。故其小詞。意旨超遠。有睥睨古今氣概。一似揮麈家言。

吳菌次綺曰。填詞妙麗。盡徂於風情婉變。殊覺闢人。茲以秋閨名詞。淡雅不俚。真刻不率。何似執襍。穢子而服以清涼散也。讀者當以純灰三斛。滌腸。其庶幾乎。

聶晉人先曰。向之學者。求精於詩。近來風氣。一移於詞。則所難又在詞矣。先生自序。尚有孰似孰優之問。故於句法章法之妙。從不拾人齒牙後慧。則知先生所蘊實深矣。

名家詞鈔目錄

廬陵 聶先 晉人

纂定

長水 曾王孫 道扶

南溪詞

嘉善 曹爾堪 顧菴

搗練子

長相思

相見懽

女冠子

點絳脣 二調

浣溪沙 二調

采桑子

減字木蘭花 三調

名家詞鈔 南溪目錄

好事近

清平樂

朝中措

西江月 二調

少年遊

醉花陰

南歌子

鷓鴣天 二調

木蘭花令

步蟾宮

南鄉子

踏莎行

臨江仙

蝶戀花 二調

蘇幕遮

青玉案

千秋歲

御街行

洞仙歌 二調

華胥引

滿江紅 五調

水調歌頭

滿庭芳

燭影搖紅 二調

念奴嬌 三調

瀟湘逢故人慢

沁園春

賀新郎

名家詞鈔 南溪目錄

水調歌頭

賀新郎

念奴嬌

瀟湘逢故人慢

滿庭芳

燭影搖紅

滿江紅

水調歌頭

洞仙歌

華胥引

南溪詞

嘉善 曹爾堪 顧菴

搗練子 春思

人○正○倦○晝○偏○長○夢○醒○微○聞○繡○閣○香○花○徑○尋○芳○誰○是○伴○
金○衣○公○子○雪○衣○孃

長相思 寄跡荒場

溪○邊○蘆○水○邊○梧○我○唱○新○詩○典○未○孤○錦○囊○隨○小○奴○樽
常○枯○偈○常○逋○舊○識○僧○徒○和○酒○徒○年○來○多○半○疎

相見懽 江村

名家詞鈔 南溪

水○痕○新○漲○苔○磯○杏○花○飛○江○岸○蒲○牙○如○箭○鯊○魚○肥○蠅
頭○利○爭○無○已○昨○元○非○只○有○子○規○明○白○喚○人○歸

女冠子 山房寒思

吳○船○來○往○愛○聽○畫○眉○停○槳○冷○紅○飛○石○醜○猶○稱○丈○花○嬌
却○字○妃○佇○看○千○藥○綻○空○憶○四○腮○肥○松○鼠○簷○前○落○已
忘○機

點絳脣 感舊

記○得○黃○昏○眉○稍○微○見○紅○潮○印○夜○深○低○問○釀○作○分○離○恨
翻○悔○當○初○合○了○鴛○鴦○枕○嗟○孤○另○欲○通○佳○訊○人○遠○天

涯近。

前調 陸舫春思

沙暖蒲香。鳳池漲綠晴波。嫩槎黃御柳。三月春方透。
小徑閒吟碧蘚生。鴛鴦消晴晝。雨絲拖逗。似補梨花瘦。

浣溪紗 曉起

樂事貧家竟不貪。疎風斜雨過城南。單紗消受嫩涼甘。
宿硯頻催童子滌。好花頰與侍兒簪。暗將私語賭宜男。

名家詞鈔 南溪

前調 秋日園居

謝客微軀不願勞。病餘覺減酒狂豪。花間行礙屨搔羅。
高。箇箇蔓牽黃荔子。垂垂架掛紫蒲萄。曉盛芳露和蘭膏。

采桑子 曉粧

曉風吹破流蘇暖。花滿香奩。蝶滿湘簾。拾起殘紅玉笋尖。
未梳蟬鬢如雲壓。膏沐微沾。宮粉輕拈。十樣新眉懶去添。

減字木蘭花 初夏放舟郭外

垂垂紫棟。四月江心頻點燕。亭館誰家。天棘抽條出屋斜。輕舸不穩。移向伍塘。風力緊。晴日將西。黃犢江村水一犁。

前調 春暮

晚飄紅雨。吹亂薔薇啼杜宇。綠樹新陰。中有青樓惜別心。湘簾半落。細聽呢喃。催繡箔。心事誰傳。傳語鸚哥當錦箋。

前調

清和晝涼。釀陰不雨。小詞志憶。

籀龍抽綠。兩部笙簧池上續。猩染薔薇雪。壓醅醺蝶亂飛。半床絃管。櫻筍風光。過小滿。最憶清娛。釣具茶鎗寄五湖。

好事近

送客北遊

斯世少英雄。應笑成名監子。衰草夕陽。彌望弔金元。遺壘霜橋。孤月照空囊。枯樹亂鴉起。旅館蕪菁低。照讀數行殘史。

清平樂

閨詞

鬢頻皺。不似東風舊。欺盡孤眠寒更透。生得腰肢元瘦。梨花靜掩長門。尋常過幾黃昏。魂向當初銷。

盡如何又說銷魂

朝中措

東于小憇

平沙水漫暮潮通。亞竹野桃紅。燕子國中佳日，白鷗社裏東風。干將故里，避喧剷跡，斗酒過從。錯字休教鐵鑄。來尋三泖漁翁。

西江月

題懸真子浮家泛宅圖和韻

有客漁焉終老，惟君賜者爲家。釣竿茶竈隔船紗。攜去隨潮上下。水口紅桃流散。山前白鷺飛斜。風波惡處舞神鴉。笑捲青簑歸罷。

名家詞鈔

南溪

前調

景陽樓

絲管競調玉樹。攆暗墜金鈿。酒酣狎客勞紅箋。受用佳人捧硯。盡道無愁天子。還疑有劫神仙。景陽鐘罷最堪憐。井上胭脂零亂。

少年遊

東友

故園春到弄芳菲。人靜落紅稀。柳岸漁汀風來水面。鴻鵠一雙飛。柳東丙舍宵聞鶴。瀟灑芰荷衣。鱸膾烘鹽。蓴羹禩政。何負季鷹歸。

醉花陰

春景

烘桃熨柳春方縱。紅雨花稍重。風日近。清明幾片榆錢。都筭鶯兒俵。冷烟堆徑和誰共。苔補閒堦空。杜宇莫頻啼。不喚人歸。只喚三更夢。

南歌子

西湖夜汎

鏡展嬌如雪。衫輕怯受風。薄陰偏覺鬢絲濃。獨喜清秋無暑畫船空。頻勸杯中綠。微添酒後紅。銀箏一曲手玲瓏。見有檀痕低指印酥胸。

鷓鴣天

秋邸

草綠閒庭曉露清。棗紅簷角媚秋晴。鸚哥簾底頻頻

名家詞鈔

南溪

五

喚鴉舅堦前細細生。銅箭靜石床平。遊仙不與換公卿。櫻鞵翦笠蛇條杖。好向緱山頂上行。

前調

冬日小集

赤葉樓頭好醉看。高歌一曲笑彈冠。剖香橘柚吳姬手。撮細蒲萄燕市盤。紅袖側。易爲歡。多情莫厭酒杯殘。惟耽杜牧風流句。不點明犀也辟寒。

木蘭花令

秋憶

木瓜香徧鍾山道。桂子倩人斜插帽。歌搖朱雀桁前。花酒濺烏衣堂下草。十年浪跡浮雲杳。畫檻生烟

無客到。沙家零落寇家貧。若箇琵琶傳賀老。

步蟾宮

秋意

木犀香吐金英細。碧水畔。金風如洗。高樓一夜對嬋娟。髣髴在廣寒宮裏。疎風淡漢無纖膩。坐漸覺。露華微泚。頽桐葉底。闔鶴鴉。空攪亂花陰滿地。

南鄉子

贈紅兒河陽妓

停酒按紅牙。蘇合香濃掠髻鴉。秋水糝糊偏可惜。天斜。十五娉婷早破瓜。愁恨徧天涯。飛絮啼鶯是妾家。莫道臙脂開未足。驚誇却占河陽一縣花。

名家詞鈔

南溪

六

踏莎行

長安秋思

碣石岩嶢。崆峒突兀。龍蟠鳳翥圍宮闕。毘盧閣上望神州。人烟幾點青如髮。北海壺觴。西城鞵襪。薊門斗酒狂歌發。金元戰壘草黏天。黃沙萬里懸秋月。

臨江仙

寄西湖友人

萬疊玻璃開曉鏡。畫橈隨處堪停。杏花村渚倚紅亭。遠山平。仲綠幽徑寄奴青。學士橋邊睇髮嘯。扶節應到南屏。鶯啼深柳待同聽。仙人吹鐵篴。小妓索銀

餅。

蝶戀花

秋暮

一把黃茅新蓋屋。簷角低低，爲避西風肅。欲向東籬重繫菊。荒園斫得湘君竹。蟋蟀寒吟聲不足。楓樹垂丹，還有些兒綠。九月霜痕融似玉。空階迸下紅榴肉。

前調

將發廣陵留別穆倩于呈無言

驪唱催人秋未暮。兩鬢霜華，祇爲浮名誤。三五嬋娟垂白露。一鞭竟別揚州去。尊酒猶思良夜聚。小店晨鷄，月落餘烟樹。回指紅橋堤畔路。油幢烏榜年年度。

名家詞鈔

南溪

七

蘇幕遮

全椒道人

冷風尖。殘月小。野徑高低，刺眼橫蒼篠。茆店孤村偏起早。輪與閒鷗，靜立寒汀皎。策輕車。攜布帽。客路年年，短髻霜深了。江滸青山屏幃繞。烟柳無情，斷送人昏曉。

青玉案

訪蔣存魯南湖園居

寒汀細雨鵝鵝喚。維小艇。蘆花畔。堂下殘荷香已斷。竹都消粉。梅纔破蠟。紙帳垂銀蒜。幽人詩興偏凌

亂清絕林塘寄柔翰。秋水南華供把翫。公和解笑步
兵解哭。懶解稻生銀。

千秋歲 夏日題壁

池塘清思。茵苔紅生膩。涼正嫩。人初起。榴殘猶灼火。
竹穉齊搖翠。聞巧弄。書看能攪西堂睡。栢子抽烟
細。蟹眼潮剛沸。時坐卧。濃陰底。屐黏苔蘚暈。衣惹醱
釀刺。還生受。桃笙簟滑涼于水。

御街行 春遊

墻邊桃靨晴微逗。楊柳弱枝垂瘦。平郊花草逐人香。

名家詞鈔 南溪

八

都是黃蔬青豆。誰家少婦。踏青歸去。不省釵鈿溜。
無情嫩綠江邊鬪。喚起迭翻新奏。暖風引出汗微香。
沾上遊春衫袖。怪他江水。晴波有暈。似學睂兒皺。

洞仙歌 艷集

雨黏莎徑。做新涼池館。低唱頻對莫辭滿。擁紅衫烏
髻。倚煖偎香。稱長短。各許玉環飛燕。燈前留意處。
隊隊繁華。急管輕圓。絡珠串。燭影動。荷風繞樹。流螢
纔數點。偏照鈿蟬金雁。但雕闌畫閣。醉相等。爲粉黛
消磨。壯心都減。

前調 曉過鶯脰湖

悲涼屈宋重過吳江道。小市魚蝦鬧。清曉想蛟龍睡。
穩千頃晴瀾風色好。霜後白蘋花老。角中還故土。
烟月誰爭一葦凌波勝。蓬島茶竈筆床隨意具。呼取
樵青芼。蓴絲濁醪須倒看。雙丸寒暑織如梭。羨湖笛
漁榔白頭翁媪。

華胥引

蝶夢

婆娑金馬轉。盼虛空。夢中蝴蝶。燕趙佳人。良宵綺席
偎粉靨。書生潦倒名場薄。命元同妾。還我漁磯去。題
江上紅葉。細雨青簑。狎波濤。鷺交鷗接。舒卷閑雲。
生疎五陵豪俠。東觀殘書猶在。偶翻行篋。魴鯉家歸。
鄉來無用彈鋏。

滿江紅 春景

欲問春情。嫌太薄。真如一紙粧點。出飛花亂墜。遊絲
頻徙。江燕不噴園舍。小雛鶯亦愛池亭。美草堂前聊
可貯。閒情栽蘅芷。江梅蒂將殘矣。紅杏萼方開耳。
有香能飼蝶。瓣堪供蟻。聽烏林間杯在手。踏青郭外
錫膠齒。有時豪置酒。擁紅粧。怱珠履。

前調 長安秋思

苑柳蕭疎。寒信早清霜欲落。看塞北飛鴻。噉噉亂雲。漠漠黑闐。壘前鬣兔走黃金。臺畔蒼鷹掠酒壚。旁擊筑者何人。悲風作。驅不散。簷間雀。招不下。天邊鶴。嘆江南秋色。芙蓉池閣。陶寫縱憑絲竹。妙公卿可比。山林樂鬢。添星空說玉塔高。吟紅葉。

前調 和題梅庵小影

老友相於。傷往事江潭楊柳。同屈指垂垂半百。昔童今叟。剪韭烹葵。諧風約。嘲風弄月。誰稱首。五湖船恰受兩三人。能攜否。莫閒却。彈箏手。好絨着。懸河口。對門前。亭榭梅妻鳩婦。生食何須求五鼎。雄心只合澆醇酒。笑封侯絳灌。巧乘時元屠狗。

前調 既庭見示小影用梅菴廻韻贈之

偶賦梅花。心似鐵。何妨綺語。生徒盛參同考。異軒乎。其鼓芳草。閉門通小徑。桐陰木榻。容箕踞。詠停雲。無語送歸鴻。時凝佇。嵇阮約。曩曾與。用舍義。聊中處。歎餘生。重見屐拖殘雨。麴道人來。稱上客。楮先生亦爲賓主。但劇腸。鏤腎是文章。凌燕許。

前調 思隱和梅庵韻

志在桑榆。靈雨後星言鳳駕。休更說洛陽紙貴。文章
膾炙。舊有應劉俱宿草。避人沮溺唯耕稼。茂林邊鶯
語。劇輕圓如同話。松似羃藤爲架。蝸殼屋。魚鱗。漢
覺此中全勝玉堂休暇。偃蹇青衫。空有淚清狂白眼。
時遭罵。且都忘獨酌看庭前。花開謝。

水調歌頭 野園卽景

簡僻辭城市。努力到東臯。塵喧不敢入耳。風日靜衡
茅。傍屋新蒸紅柿。貼岸交垂青棟。暖旭上林梢。拄杖
聲微響。有客到門敲。棘爲牆。書作枕。頗清高。隨心
自有樂事。恩怨等鴻毛。高太王家臺榭。婉轉謝公絲
竹。今日盡蓬蒿。飲酒栽花外。何物使神勞。

滿庭芳 鈞樂

釣墜蟾蜍。餌懸蜥蜴。佳詞構自奚囊。修綸一尺。獨繭
下菱塘。借問魚蝦幾許。楊筐去。到處徜徉。生來性直
鈞。可使不上。亦何妨。何妨終日坐紫藤。花落白荇
花香。有船名舴艋。歌擬滄浪。八十磻溪野叟。名心在
出佐周皇。羊裘子高山長水。江瀨有巖光。

獨影搖紅 閨情

杏苑春嬌。薄寒猶禁梨花信。踏青時節。做輕陰。芳徑
苔生暈。輕曳弓韉未穩。殢游心。芹泥微潤。鴛鴦成對。
游戲波心。雙雙相近。閒悶侵尋。淚痕猶帶紅潮印。
生憎燕子入空梁。似說離人恨。金鴨篆烟方燼。晦流
黃晚風成陣。十三樓畔。廿四橋邊。歸期偷問。

前調

歌席志感

宿世良緣。蓬萊弱水看清淺。神仙會裏。捧瑤漿。碧藕
排高宴。今夜流蘇半卷。到擘阮。吹簫庭院。緩斟低唱。
銀箭頻催。翻嫌夜短。紅袖多情。挑燈一送秋波轉。
回頭慘澹。動離愁。萬里關河遠。嘈雜華堂絃管。恍疑
是夢中來見。傷心何處。塞上悲笳。驚飛孤雁。

念奴嬌

送幼光還白門同仲馭

孤舟初發。正嚴霜似雪。布帆如紙。一派殘雲縈別恨。
愁向青山隱。几晚圍黃花。小槽紅酒。客路誰同醉。蒯
緱黯淡。自將管樂爲比。遙念旅宿方寒。丹陽古道。

老樹酣青。紫戍鼓沉沉。天未曉。殘月模糊映水。白袷
譚兵。青燈讀易。漫灑英雄淚。啼烏成陣。石頭城外潮。

起。

前調

南飛烏鵲繞疎林。三匝無枝可寄。聊借遠游打罷。骭莫似相如憔悴。山峙金焦。江來楚蜀。帆繫斜陽裏。中流擊楫。氣吞湖海。萬里。雙眼一望蒼茫。寒濤如箭。箇箇牙樯起。舊日精靈都已盡。何況堂前燕子。晉宋衣冠。陳隋宮寢。社鼓神鴉耳。佛狸祠下。怒潮空打遺壘。

前調 寄懷魏子時官成都司李

名家詞鈔 南溪

三

錦官自昔稱都會。佳麗已消兵劫。望帝魂歸城郭壞。月黑悲啼古堞。劍閣哀猿。刀州嘯虎。蜀棧行人怯。草堂無跡。橙林猶戰風葉。聞說萬里橋西。子雲宅畔。豐草長林接。爲問薛濤箋在否。幾樹露桃紅靨。諸葛名垂。文翁教遠。賦緬相如獵。好尋雙鯉。嘉陵江上行。

前調 瀟湘逢故人慢 重過虎丘竹亭用王和甫元韻

清陰如幄。修篁拖冷翠。猶昔行窩。漫說雀堪羅。喜桂叢梅樹。坐遠風波。霜侵鳴脚。墜深黃。槭槭庭柯舉頭。

望五湖伊邈。好攜白恰青簑。浮漁艇。衣短後。有誰
知。謫星載酒來過。烟水慣婆娑。擬回塘。插柳。曲港分
荷。已公茆屋。賦新詩。不礙行歌。還消受。粥魚齋磬。新
添一箇禪和。

沁園春

周逸僧納姬

有美一人。特地鍾情。愁城病魔。向迷樓芳草。閉尋墮
珥。竹西明月。緩度輕歌。若箇能憐。從前是恨。半掩殘
缸。卸綺羅。支餘夢。悵洗脂。抹黛。密約蹉跎。欣逢才
子來過。正三五清光。分外多。喜同心。鈿合黃金。可鑄
並頭銀蒜。錦幔成窩。教鵲爲橋。呼鴛作枕。今夜雙成
喚。柰何。眉痕細。倩詞塲。絲筆。畫遠山螺。

賀新郎

題畫

遠嶂雲千疊。望層巒。空烟半捲。似明還滅。上有清泉
飛一道。最可解人炎熱。石鎖處。谿流如咽。下有杉松
迷小徑。掛潺湲。樹頂懸晴雪。鴻濛後。氣猶結。誰人
識得逃名訣。向深山。結茅種竹。人跡俱絕。惡木叢中
行已慣。不怕門前虎穴。閒處聽杜鵑啼血。若向畫圖
呼欲出。想斯人。飢骨真清徹。長往者。是豪傑。

尤悔菴詞曰近日詞家愛寫閨襜易流狎昵蹈揚

湖海動涉叫囂二者交病顧菴獨以深長之思

發大雅之音如荷露新流松風徐舉秋高遠嘖

曉霽孤吹第其品格在晉山渭南之間會須呵

周柳為小兒唾辛劉為傖父子又何人敢與之

較長絜短哉

丁葯園詞曰詞以溫常為則自歐秦姜史盛極而

衰至明末習氣頹唐迄今日而始盛其猶詩之

在開元天寶歟學士之詞實得花間絕妙之致

名家詞鈔南溪

似有蘭畹金荃之麗阮亭先生嘗謂學士詞其

源出於幽風一洗鄭衛餘習其知言乎

丁葯園曰詞以溫常為則自劉秦姜史盛極而

衰至明末習氣頹唐迄今日而始盛其猶詩之

在開元天寶歟學士之詞實得花間絕妙之致

似有蘭畹金荃之麗阮亭先生嘗謂學士詞其

源出於幽風一洗鄭衛餘習其知言乎

丁葯園曰詞以溫常為則自劉秦姜史盛極而

衰至明末習氣頹唐迄今日而始盛其猶詩之

在開元天寶歟學士之詞實得花間絕妙之致

名家詞鈔目錄

盧陵 聶先 晉人

纂定

長水 曾王孫 道扶

衍波詞

新城 王士禛 阮亭

望江南 四調

如夢令 二調

點絳脣

浣溪沙 六調

菩薩蠻 五調

羅敷媚

減字木蘭花 二調

柳含烟

名家詞鈔 衍波目錄

憶秦娥

阮郎歸

海棠春 二調

山花子 二調

眼兒媚

應天長

偷聲木蘭花

滿宮花

醉花陰

雙調望江南

浪淘沙

虞美人

醉落魄

踏莎行 四調

小重山 二調

蝶戀花 二調

醉春風

御街行

塞翁吟

尾犯

聲聲慢

念奴嬌

水龍吟

拜星月慢

望遠行

沁園春

賀新郎

名家詞鈔

衍波目錄

衍波詞

新城子 王士禛 阮亭

望江南

江南好。春暮雨廉纖。魚子天晴初出水，鼠姑風細不
鈎簾。底事惱江淹。

前調

江南好。画舫聽吳歌。萬樹垂楊青似黛，一灣春水碧
於羅。懊惱是橫波。

前調

名家詞鈔 衍波

江南好。風日近秦郵。銀甲暫停朱閣午，玉笙纔度碧
雲秋。扶醉且淹留。

前調

江南好。最好是孟湖。何處情人名碧玉，誰家庭子號
眞珠。聊爲結相於。

如夢令

簾外游絲片片。晝靜碧虛常卷。翠雀下花陰。驟破春
陰一綫。誰見誰見。清淚朝朝洗面。

前調

和漱玉詞

送別西樓將暮。望斷王孫歸路。昨夜夢郎回。還是舊時別處。前渡前渡。記得柳絲春鶯。

點絳脣

春詞和漱玉韻

水滿春塘柳綿。又蘸黃金縷。燕兒來去。陣陣梨花雨。情似黃絲。歷亂難成緒。凝眸處。白蘋青樹。不見西洲路。

浣溪沙

和張泌韻

記得相逢亞字城。畱仙裙底步蓮輕。吳家小女字盈盈。眉語似通還匿笑。目成難去且徐行。個儂無賴可憐生。

名家詞鈔

行波

二

前調

雨後蟲絲罨碧紗。朝來鵲語闌簷牙。日痕紅暝一欄花。殘夢未遙猶眷戀。篆烟初裊半天邪。消魂應憶泰娘家。

前調

春閨三首

柳暖花寒雨似酥。流鶯和夢覺來無。東風峭峭捲蝦鬚。欲覺瀟湘屏上路。楚山如黛少雙魚。口脂慵點鏡中朱。

前調

小○院○蘼○蕪○欲○作○叢○鞦○韃○池○畔○回○堂○東○日○斜○鶯○轉○謝○娘○慵○情○思○託○人○何○處○去○碧○桐○陰○裏○下○簾○藥○玉○釵○微○墮○髻○鬟○鬆○

前調

寶○馬○流○蘇○上○洛○津○玉○人○相○見○宋○家○隣○重○重○屈○戌○掩○殘○春○檀○暈○乍○消○星○的○淺○眉○痕○初○淡○月○稜○新○簾○衣○如○縠○映○橫○陳○

前調 和漱玉詞

名家詞鈔 衍波

奩○畔○豪○犀○間○玉○梳○新○粧○纔○罷○曉○寒○初○曲○欄○花○日○影○扶○疎○金○鴨○暖○香○消○柱○蠹○夜○蟬○輕○翅○上○桃○蘇○問○郎○曾○解○画○眉○無○

菩薩蠻 和飛卿詞

夢○殘○髻○棗○垂○香○枕○芙○蓉○髻○墜○蒲○桃○錦○翠○幄○碧○如○烟○小○星○將○曙○天○起○來○雙○黛○淺○繡○閣○拋○金○剪○惟○悴○鼠○姑○紅○玉○堦○三○月○風○

前調 詠青溪遺事 回冊乍遇

東○風○人○柳○三○眠○起○鞦○韃○小○院○重○門○裏○對○對○浴○紅○衣○鴛○

鶯塘上飛。個人花底見。驚喜迴團扇。含笑指鴛鴦。
花時日日雙。

前調

私語

梧桐花落飛香雪。捲簾一片玲瓏月。人月兩嬋娟。倚
闌凭玉肩。小鬟春睡倦。裙上苔花茜。私語好誰聞。
姮娥應羨人。

前調

潛窺

雙雙玉兔衣如雪。中庭桂樹懸明月。也解逐雄雌。倚
簾含笑窺。幽踪郎見慣。潛向銀屏看。嬌靨暈紅潮。

名家詞鈔

衍波

四

伴羞妥翠翹

前調

秘戲

蟬紗半幅圍紅玉。龜紋枕畔雙鬟綠。銀蒜鎮番垂。含
羞忍笑時。屏山金屈戌。女伴偷相覷。明日画堂中。
須防面發紅。

羅敷媚

隋堤

隋皇昔幸東都日。錦纜迢遙。鳳艗龍艘。剪綠宮中暮。
復朝。琵琶忽唱安公子。紅炬烟消。故國寒潮。一曲
清江柳萬條。

減字木蘭花

楊花和奔洲韻

紗窓夢起。極目玉關人。萬里斜綰千條。自古銷魂是
灞橋。春陰不盡除却殘鶯。誰借問陌上樓前。消得
香閨幾日。隣

前調

爲長沙女子王素音作用辛稼軒韻

離愁滿眼。日落長沙秋色遠。湘竹湘花。腸斷南雲是
妾家。掩啼空驛。魂化杜鵑無氣力。鄉思難裁。楚女
樓空楚雁來。

柳含烟

名家詞鈔

行波

五

銷魂樹。曲江邊。移自末豐坊。裏東風吹雪。又吹綿。艷
陽天。何處行人歌水調。極目粘天。芳草錦帆曾此
向。天涯落誰家。

憶秦娥

秦淮水。紅樓一帶波如綺。波如綺。琉璃廳下。水晶簾
底。梅花點額芙蓉髻。粧成照影春波裏。春波裏。一
方明鏡。朝朝孤倚。

阮郎歸

清明邗上

平山堂外又清明。春蕪初蘸青。梨花燕子滿江城。人

家聞賣錫。邀伴去踏莎行竹西歌吹聲酒旗一片
颺前汀。青絲何處停。

海棠春 曉粧

鸚哥初喚聞方響。幽夢起日浮交網。花影罨流蘇。一
片紅潮漾。新梳小髻翻荷樣。初緝額。邀郎相賞。慵
画小山眉。黛粟畱張敞。

前調 晚浴

星光碎月搖花影。神麥響。夢回人醒。小婢鬻蘭湯。玉
沁冰壺冷。沉香卷髮盤龍鏡。遲半晌。鮫綃重整。不
管繡簾前。費盡黃金餅。

山花子 秋閨

斗帳初垂嬾卸頭。任他紫棧滅秦籌。簾外銀河天似
水。數更籌。梧葉催蛩涼到枕。花枝和月午當樓。還
比殘春寒食夜。一般愁。

前調 寄程崑崙京口

黃鶴山前黃鶴鳴。杜鵑樓外杜鵑聲。記得戴顓招隱
地。共經行。北固雲烟春望遠。南徐風雨暮潮生。一
片澄江如練影。接蕪城。

眼兒媚

感舊

少年無賴好尋游。何處著閒愁。羅敷陌上，窈娘堤畔，到處淹留。艷情綺思，消磨盡，往事似塵漚。楞伽堆案，離騷繫肘，別樣風流。

應天長

閩人刺繡

餞春時節深深院。睡起金衣花外轉。繡牀輕，素絲軟。一幅吳綾秋水面。麝烟微，螺黛淺。衣上唾絨紅濺。花落日長，人倦偏髻拖殘線。

偷聲木蘭花

春情寄白下

名家詞鈔

衍波

七

綠楊影裏鞦韆索。乳燕學飛池上閣。水漲銀塘，落絮浮萍，又夕陽。方山亭下江南路。画槳凌波從此去。十四樓空，萬葉千花，淚眼中。

滿宮花

戲題吳蓋仙花卉便面

漢宮春。湘竹扇。寫出一痕清怨。輕紈半幅，不禁秋幾點。墨花輕茜。憶燃脂，思捧硯。餘響猶聞金釧。武陵倘許問津來，可似漁郎花片。

醉花陰

和漱玉詞

香閨小院閒清晝。屈戌交銅獸。幾日怯輕寒，蕭局香

濃不覺春先透。韶光轉眼梅花後。又催裁羅袖。最
怕日初長。生受鶯花打疊人消瘦。

雙調望江南

江南憶。風景奈何春。鵝子蘸絲黃淡淡。鴨頭染水綠
粼粼。帘外杏花村。江南憶。秋氣倍關人。楚塞鴻歸
山近遠。吳江楓落雨續紛。誰道不銷魂。

浪淘沙

和漱玉詞

硯匣日隨身。檢點殘春。橫雲斜月閉鮮新。昨夜相思
曾入夢。香雨香雲。記得鬪丹唇。似喜還嗔。醒來惆

名家詞鈔

行波

八

悵隔仙津。欲識迴腸千萬轉。日日車輪。

虞美人

和李後主韻

杜鵑庭院春將了。斷送花多少。幾層楊柳幾層風。總
付銀屏金屋。夢魂中。合歡枕上香猶在。好夢依稀
改。迴環錦字寫離愁。恰似瀟波不斷入湘流。

醉落魄

讀天寶遺事

風流堪惜。沉香亭下雙鴻鴻。長生殿裏如膠漆。別苑
梨花偷試。寧王笛。漁陽戰鼓驚相逼。馬嵬古驛羅
衫濕。秋槐落盡。空凝碧。殘月華清何處。人行跡。

踏莎行

春寒闌怨和雲闌詞

燕補新巢。花開舊樹。經時不到南園路。水晶簾額又斜陽。風前陣陣。飄香絮。已怕春來又愁春去。錦屏繡幙。畱春住。爲誰倜傥爲誰憐。紅顏半是青春恨。

前調

秦淮清明

風雨清明。鶯花上已。樓臺四百南朝寺。水邊多少麗人行。秦淮簾幙。長干市。驀地愁來。于卿何事。梁陳故蹟消魂死。禁烟時節。落花朝。東風芳草含情思。

前調

咏鏡

名家詞鈔

行波

九

香壓彤奩。光迎羅幌。圓水背結盤螭樣。一泓春水碧如烟。誰教移向粧臺上。脉脉相看。盈盈難傍。影娥池畔。憑闌望。粧成雙鏡。照明簾。芙蓉並蒂。波間漾。

前調

醉後作

屈子離騷。史公貨殖。直須一石曹騰醉。胸中五嶽不能平。何人解釋狂奴意。修竹彈文。綠蕉封事。聊將筆墨供遊戲。茂陵若問馬卿才。飄飄大有凌雲氣。

小重山

和湘真詞

行雲如夢。雨如塵。秣陵惆悵事。最傷心。當年瓊樹照

臨春。臘。脂。井。猶。帶。落。花。痕。芳。草。碧。氤。氳。舊。時。朱。雀
桁。幾。回。新。青。溪。休。賽。蔣。侯。神。風。景。換。紅。淚。上。羅。巾。

前調

夢裏秦淮清夜游。銀罍檀板地。幾經秋。青溪如帶掌
中流。三十曲。曲曲木蘭舟。錦瑟伴箏篴。春江花月
裏。不曾愁。折梅何日下西洲。音信斷。愁上閨江樓。

蝶戀花

和漱玉詞

涼夜沉沉花漏凍。欹枕無眠。漸聽荒鷄動。此際閒愁
郎不共。月移牕罅春寒重。憶共錦衾無半縫。郎似

名家詞鈔

衍波

十

弄。桐花。妾似桐花鳳。往事迢迢。徒入夢。銀箏斷續連珠

前調

和少游韻

啼碎春光鶯燕語。一片花飛。又是天將暮。欲乞放晴
春不許。黃昏更下廉纖雨。春去應知郎去處。好囑
春光。共向郎邊去。畢竟春歸人。獨在淡烟芳草千重
路。

醉春風

吳陵送春

一霎春將雨。忽報春將暮。謝家飛絮沈郎錢。去去

萬點紅中。五更風雨。春歸何處。画舫桃花渡。寶馬游絲路。眼前還是未殘春。住住住。明歲今朝。今年明日。此情休負。

御街行

贈雁

銀河一雁歸湘楚。似向離人語。獨將二十五絃彈玉軫。金徽清苦。水明沙碧。參橫月落。遠向瀟江去。衡陽南望峰無數。楓葉秋如雨。不勝清怨却飛來。應記江南烟浦。春社纔過。又逢秋社。燕雁行相遇。

塞翁吟

和清真韻

名家詞鈔

行波

十一

記得相逢處。倭墮玉髻瓏璉人。靜悄画堂東。清暑試輕容。龍鬚初展。水綵薄。雲母曲曲浮空。側枕卧芭蕉。初碧。躑躅新紅。匆匆。自回首。柔奴別後。思往事。都如夢中。借錦水桃花。箋色合。鮫淚和入淪糜。小字重封。姊歸解恨。似爲離人。訴盡東風。

尾犯

秋懷

羅袂怯西風。玉露初零。瓊花暗落。一片珠簾對寒梧。画閣隴首秋雲多。黯淡天邊鳴雁長。飄泊最堪憐處。楚簟涼生。孤睡何曾着。吳天凝望遠。無限水驛山

郭日送雲中甚。雁書堪托。往事空憐。韓椽少。新歡已負秦樓約。七絃琴上私傳語。女床鸞鶴。

聲聲慢 和漱玉詞

蛛迷楚館。雁去秦樓。情懷不禁慘戚。帶雨寒蛩。窗外似聞嘆息。錦衾斗帳。人遠在。怨他西風寒急。更漏盡。夢難成。畢竟此情誰識。画尺寶奩塵積。冷落盡枝上。殘紅如摘。倦枕鬟鬆。寶似鴉翎。剪黑徘徊。那成好夢。但鮫人。只有淚滴。恁打笑。那人去。怎是少得。

念奴嬌 和漱玉詞

名家詞鈔 衍波 十一
疎風嫩雨。正撩人時節。屠蘇深閉。幾日園林春漸老。徧是鶯聲。花氣紅友。樽殘青奴夢醒。寂寞渾無味。關山萬里。飄搖尺素誰寄。香閣曲曲迴欄。殘朱零落。都爲傷春倚。厭說鴛鴦。還待闕。繡被朝朝孤起。額洗鴉黃。眉銷螺碧。驪盡相思意。春來清思。小姑將次知未。

水龍吟 揚子江上作

岷峩萬里滔滔。荆梁九派來南紀。潯陽東下。稜陵西望。吳頭楚尾。鐵甕風高。海門雁斷。角聲初起。嘆從來。

多少英雄割據都付與東流矣。盡道長江天塹暗
消磨。幾番戰壘。師兒年少。寄奴老手。正堪相配。北府
風流。子有孫權。甥如無忌。到而今。洗馬臨江。愁絕一
天烟水。

拜星月慢

踏青歸晚

雨暈紅酥。波酣碧醞。乍是清明百五。花信風輕。拂繡
簾珠戶。人初起。慵向鏡臺勻面。何處隔窗低語。青雀
傳書。約踏青同去。樂游原。一片香車度。玉津園十
里烟花路。無恙。往歲春光。又匆匆。相遇倩游絲牽惹。
東君。任消魂。絕幾陣棠梨雨。呼女伴。歸去。瓊閨掩漫
天飛絮。

名家詞鈔

衍波

十三

望遠行

蜀岡懷古

江樓昨夜聞哀角。瀲灩斜陽將暮。淮南水驛。故國長
亭一帶。迷離烟樹。秋月春雲。歲歲天涯孤旅。贏得壯
懷如許。最難禁。常是梅天絲雨。誰語。獨上蜀岡騁
望。見亂柳。栖鴉無數。板渚人歸。玉鉤夢杳。不記離宮
何處。憶自吳王。借竊阿陵游幸。幾度蕪城堪賦。但井

欄風急。精靈來去。

沁園春 偶興

春去秋來。林無靜柯。川無停流。憶卓女爐邊。花籠趙
瑟。要離塚畔。霜淬吳鉤。劍客從游。酒徒託乘。意氣居
然橫九州。誰知道。看主家。斷養騎尉通侯。十年壯
志難酬。但眼底清樽。恣拍浮。謂萬戶千鍾。卿其休矣。
千峯萬壑。吾又焉求。龍性難馴。鳴飛何慕。爭席休驚
海上鷗。忘機久。任行歌帶索。五月披裘。

賀新郎

夜飲和竹山韻

過雨花如繡。正呆愚。四面低垂。繁英香透。結客十年

名家詞鈔 行波

十四

知已少。何似銀箏翠袖。莫須問。壽飛山走。且解金龜
休作惡。未傷神。絲竹中年後。空淚墮。金城柳。長安
一雨分新舊。更誰能望塵。滕席爭名。鷄口高。誓安期
靈氣盡。一望三山似阜。但海水盡成。醉酒鸚鵡螺卮
金不落。問狂生。得似公榮否。休暫拄。推筌手。

沁園春

偶興

春去秋來。林無靜柯。川無停流。憶卓女爐邊。花籠趙瑟。要離塚畔。霜淬吳鉤。劍客從游。酒徒託乘。意氣居然橫九州。誰知道。看主家。斷養騎尉通侯。十年壯志難酬。但眼底清樽。恣拍浮。謂萬戶千鍾。卿其休矣。千峯萬壑。吾又焉求。龍性難馴。鳴飛何慕。爭席休驚海上鷗。忘機久。任行歌帶索。五月披裘。

春去秋來。林無靜柯。川無停流。憶卓女爐邊。花籠趙瑟。要離塚畔。霜淬吳鉤。劍客從游。酒徒託乘。意氣居然橫九州。誰知道。看主家。斷養騎尉通侯。十年壯志難酬。但眼底清樽。恣拍浮。謂萬戶千鍾。卿其休矣。千峯萬壑。吾又焉求。龍性難馴。鳴飛何慕。爭席休驚海上鷗。忘機久。任行歌帶索。五月披裘。

沁園春

偶興

鄒程村

祇謨

曰序衍波詞如唐祖命云極哀艷之
濃情窮情盼之逸趣其旖旎而穠麗者則景煜
清照之遺也其芊綿而俊爽者則淮海屯田之
匹也丁景呂云朦朧萌折明雋清圓卽令小山
選句以爭妍淮海含毫而競秀諒無慚夫入室
或典嘆於積薪徐東痴云流商激楚之音發皓
揚清之技芳澤襍揉竹絲漸近錦囊之句兼善
夫短長團扇之篇妙得諸叅錯凡茲數則不獨
爲阮亭詩餘寫照亦可以源洞詞蘊矣

名家詞鈔

衍波

十五

聶晉人

先

曰衍波詞香艷驚人耳目每讀一闋便
稱詞壇大觀不知抹倒海內幾許詞人至其縱
筆任意之妙公孫氏舞劍器渾脫瀏漓差足相
擬美門先生每拈其佳句云衍波一集體備唐
宋之長信夫

名家詞鈔目錄

王廬陵 聶先 蘇晉人

纂定

意長水 曾王孫 道扶

嘯閣餘聲

雲間人 張錫悻 弘軒 英臺並

轉應曲 長相思

生查子 浣溪紗

清平樂 菩薩蠻

採桑子 錦堂春

名家詞鈔

嘯閣目錄

虞美人 踏莎行

臨江仙 蝶戀花

端人嬌 蘇幕遮

漁家傲 離亭燕

風入松 祝英臺近

一叢花 滿江紅

意難忘 曾王孫 崔冲天

玉漏遲 滿庭芳

鳳凰臺上憶吹簫

二調

燭影搖紅

八聲甘州

玉蝴蝶

念奴嬌

解語花

綺羅香

沁園春

名家詞鈔

嘯閣目錄

嘯閣餘聲

雲間

張錫樸

弘軒

轉應曲

春晚

濃睡濃睡。枝上烏聲啼碎。紗窗晴日初紅。何處吹來驟風。風驟風驟。滿地落紅香透。

長相思

憶別

楚江秋。木蘭舟。雨雨風風古渡頭。行人不暫留。暮山稠。暮雲流。一樣相思兩地愁。黃昏莫倚樓。

生查子

春遊

名家詞鈔

嘯閣

一

白袷踏春行。枝底奚囊掛。藉草醉香醪。誰識春無價。有意待花開。莫放花空謝。笑指玉山頽。月上薔薇架。

浣溪紗

山家

細路橫橋有數椽。竹籬門外一溪煙。蓼花灘穩着漁船。紅葉飄時兼雨下。青山斷處借雲連。此中幽趣向誰傳。

清平樂

惜春

暗風疎雨。送却春歸去。點點亂紅飛不住。愁殺鶯儂。

燕侶。東郊纔醉芳筵。西園罷試鞦韆。莫上高樓凝望。夕陽衰草連天。

菩薩蠻

汨虎丘

一灣水抱人家曲。半塘疎柳和烟綠。山市賣花聲。壚頭酒更清。停舟春正暮。閒倚千人坐。塔影掛斜陽。笙歌出上方。

採桑子

別怨

妾身不似春來草。遠道青青。古驛層層。殢雨和烟伴客程。妾身恰似風中絮。飛入青冥。暗度江城。搖蕩長亭更短亭。

名家詞鈔

嘯閣

錦堂春

納涼

池。暝。孤。烟。蔽。竹。庭。虛。皓。月。窺。廊。梧。桐。篩。影。闌。干。上。低。拂。竹。方。床。螢。火。暗。驚。團。扇。爐。烟。細。裊。茶。香。倦。來。一。枕。羲。皇。夢。隨。意。繞。瀟。湘。

虞美人

旅夜

四山雲擁重飛雪。古道行人絕。暫依茆店解征鞍。村酒沽來那敵。敵。衰寒。半床燈火頻移枕。有夢多難穩。驚棲暮雀噪寒風。無奈隔溪山寺。又鳴鐘。

踏莎行 對雪

剪絮迷天。鏤花鋪徑。穿簾入隙。渾難定。誰將素質配。瑤華水姿合。受梅花聘。梁苑尊空。灞橋人靜。小樓淡月寒相映。同雲重疊。隔前山。扁舟何處堪乘興。

臨江仙 詠柳

染綠勻黃。工點綴。春來是處垂條。風前旖旎舞纖腰。杏花芳草岸。掩映玉樓高。拂水拖烟。眠復起。一般體態難描。章臺人去恨迢迢。夕陽飛絮裏。吹笛總魂銷。

名家詞鈔 蕭齋

三

蝶戀花 擬艷

帳捲流蘇。焚鵲腦。欲語還停。微露櫻桃小。金屋夜寒人靜悄。和衣倒在郎懷抱。鴛枕誰如同命鳥。翻悔從前辜負。春多少。夢破五更鷄唱曉。行雲飛去巫山杳。

蝶人嬌 惜別

月照紗窗。春生繡帳。画不出雲情月樣。乍推午枕。低迷一响。離別恨。星星在眉尖上。野曠秋高。平疇水漲。蘭夢遠尚依蘭漿。多情未了。怎消魔障。肯擔悞歸。

期負伊凝望。

蘇幕遮

咏梅

雪初晴。香乍坼。碧澗芳叢。早漏春消息。似笑無言如
舊識。疎影誰描。月下闌干側。壽陽粧。姑射格。自下
瑤臺。粉黛都無色。夢斷羅浮仙路隔。生怕飄殘。莫更
吹橫笛。

漁家傲

感舊

紅杏樓頭春正永。鴛鴦池畔雙雙影。一去芳踪如斷
梗。風太猛。落花亂落點胭脂井。獨夜重將前事省。博

名家詞鈔

肅閣

四

山香爐沉烟冷。淡月疎簾秋耿耿。添蕉景。這場好夢
而今醒。

離亭燕

別燕

藻井雕梁曾住。看足柳烟花霧。一霎金風天未起。軟
語商量歸去。小院月昏黃。不似舊時情緒。暝斜日涼
生江樹。望裏亂山無數。最是塞鴻相遇好。秋怨春愁
同訴。密約待重來。休把佳期擔誤。

風入松

夏景

高槐疎柳暗芳叢。庭院綠陰濃。龍孫解籜。參天立。池

塘漲流水溶溶。風過香生荷芰。客來涼送梧桐。簾
紋如水北窗中。呼夢鳥聲工斷雲。日脚收殘雨。遙天
碧。半跨長虹。避暑雅追河朔。思尊更待秋風。

祝英臺近

坐月

淡烟收。涼月吐。流影照庭戶。玉宇瓊樓。幻出景如許。
碧空萬里無雲。姮娥何處。想此際霓裳低舞。念離
阻。試聽空外秋聲。淒淒助砧杵。深院更長。幽怨共誰
語。莫教頓下西樓。重遮江樹。辜負却幾回廷佇。

一叢花

秋雁

名家詞鈔

嘯閣

五

秋空無際捲輕霞。征雁幾行斜。關山昨夜金風動。啣
蘆去。飛繞天涯。衡峯路遠。湘江水冷。一片暮雲遮。
幾回飛倦宿平沙。新月襯蘆花。他鄉覓食愁長路。更
年年以客爲家。孤館夢醒。高城人靜。嘹唳和鳴笳。

滿江紅

出都

歸去來兮。策羸馬。斜陽古道。望京洛黃塵撲面。素衣
添皂。束帶自慚才未達。罷官誰識年猶少。漸關河回
首。帝闈遙。傷懷抱。西山勝。供舒眺。金臺舊。堪憑弔。
歎青陽逼歲。朔風吹帽。彭澤黃花閒更好。季鷹鱸膾

秋逾妙。便采山釣水。足生涯。從吾好。

意難忘

贈情狀
有序

時維九月。節屆登高。思逸事於龍山。遇佳人於宦浦。柔情難定。別恨易牽。兎管頻濡。鴻箋數寄。堪笑粘泥之絮。獨憐逐水之萍。品其高韻。人更淡於黃花。感此微詞。意無傷於綠葉。爰希屬和。庶俟知音。

捧出蘭房。看朱唇纖手。曲短愁長。身輕疑學燕。聲細似調簧。人乍見。意難忘。怕對酒盈觴。生受些羅襦微動。綺席生香。朝來携手相將。漸雲收遠岫。日轉重

陽。波侵紅袖靚。風度錦裯涼。綠底事。亂人腸。無奈獨

徬徨。便與伊明珠一斛。買笑何妨。

宦冲天

題蕪鮓圖和錢葆份舍人原韻

鷗汀鷺渚。彷彿浮家處。秋水迥。長兼葭。句記鑾坡。視草却絲竹。東山住。庭前鷺。宦侶。湖月峰雲。畫圖一幅桑苧。輕風送暮。敲火漁村去。啓甕臘。醅香。蓬窓煮。看幾行雁影。恰寒帶瀟湘。雨扁舟。應共許。曲曲烟波。同話舊遊情緒。

玉漏遲

初寒夜坐

小庭鳴墜葉。西風陣陣。黃花寒早。日斷斜暉。遠岫澹

烟衰草。又是高城月上。影搖動。臨窓寒篠。人乍悄。更長漏斷。此情誰曉。不盡啞啞哀鴻。儘綠蟻頻傾。暗傷懷抱。起舞中宵。只怕鬢絲人老。遙睇雲天萬里。明河迴。衆星旋繞。香夢杳。博得泪痕多少。

滿庭芳

春園讌集

柳眼回春。桃腮膩粉。一番春事重新。小庭幽徑。危石蠹磷峒。覓取看花舊侶。攜醞醪。早趁芳辰。朱闌外。游絲繞樹。細草軟如茵。逡巡良會好。歌徵碧玉。舞借縈塵。儘及時行樂。莫負閒身。豈曰吾衰已甚。搔短髮。

名家詞鈔

痛閣

七

甘老江濱。休辭醉。高城霧散。纖月又如銀。

鳳凰臺上憶吹簫

送人遊白門

鐘阜拖雲。臺城堆雪。酒闌人放吳船。正大江。西上故國魂銷。十載雄心似舊。窺寶鏡。騎省霜毛。長亭外。塵迷古驛。日落河橋。迢迢。金風乍起。一陣陣。秋聲吹上征袍。奈六朝佳麗。烟草蕭蕭。腰下吳鉤如雪。誰認取龍氣于霄。秦淮渡。何時共醉。燈火蘭橈。

前調

秋日承載招飲賞蘭和采臣韻

花勝河陽。艷誇金谷。騷人偏愛涼秋。况錦堂開宴。琥

珀盈甌。瑤砌幽蘭凝秀。芳蕤吐滿座香浮。遠輝映庭前玉樹。世德堪求。如流。心驚歲月。看世事浮雲。轉瞬難留。更故人搖落。聞笛悠悠。羣從風流似昔。頻攜我酌酒同遊。同遊處。年年此日。不醉無休。

燭影搖紅

旅夜聞笛

天○淡○秋○空。夜○深○誰○弄○柯○亭○竹。好○風○飄○度○小○樓○中。吹○破○湘○山○綠。已○是○離○腸○難○續。更○聲○聲○高○城○漏○促。那○禁○此○際。喚○起○羈○人○舊○愁○千○斛。暗○插○闌○干。石○州○不○是○當○時○曲。故○園○楊○柳○近○蕭○條。簫○管○誰○相○逐。想○得○蟬○紗○燈○暗○賺○文○君○遠○山○黛○感○碧○雲○杳○明○月○迢○迢○共○傷○幽○獨。

名家詞鈔

蕭閣

八

八聲甘州

送曉公還天童和東坡送參寥子

看○春○申○江○上○起○秋○風。一○葉○送○將○歸。記○竹○林○花○榭。香○爐○茗○椀。消○遣○斜○暉。破○衲○雲○山○好○處。歲○月○近○知○非。落○落○乾○坤○內。吾○亦○忘○機。此○去○錢○塘○古○渡。正○天○空○木○落。烟○靄○霏○霏。奈○吳○山○越○水。相○見○定○還○稀。笑○頭○顱○看○來○如○雪。約○地○爐○重○訪。莫○相○違。從○茲○辦○枯○藤○爲○杖。薜○荔○裁○衣。

玉蝴蝶

春思

乍暖乍寒天氣。登樓送日。芳草萋萋。百丈游絲繞樹。

杏苑桃溪。綠初勻。雨描弱柳。青不斷。烟鎖長堤。日遲
遲。雙眉慵展。悄地生悲。淒其舊歡如夢。筆調銀甲。
酒泛醪醕。試卜金錢。未知何日是歸期。坐黃昏。燕歸
藻井。臨曲檻。花隱翠恩。信音稀。憑誰堪寄。有泪空垂。

念奴嬌 登岱

勢雄齊魯。是名高東嶽。坤維長奠。曉色蒼茫。青未了。
半嶺斜懸金殿。日觀吞雲。天門盪海。十八盤如線。河
流東下。望中誰掣飛練。身幸作吏。雄藩簿書時暇。
形勝閒搜徧。百尺大夫松似舊。飽雪凌霜不變。無字

名家詞鈔

肅閣

九

碑殘。摩崖碣冷。千古名同擅。相如未老。太平休上封
禪。

解語花 觀荷

涼生樾館。綠土漁磯。池面秋初逗。篆消晴晝。微風颭。
葉葉競翻翠袖。凌波獨秀。似二八雲鬟還幼。向華清
才試溫泉。猶帶朝酣酒。零落露珠暗溜。把雙鴛驚
覺。魚浪香透。女兒浦口。迴蘭漿。整頓摘花纖手。清芬
乍嗅。絲歷亂。惹愁依舊。到晚來幽韻誰知。月上人歸
後。

綺羅香

中秋虎丘雅集

飛鏡磨天濃香慘地。屐底秋光，催暮廣坐筵開。畫舫
寶鞍爭赴。巖壑近涼吹生衣。燈影淡凌波迴步。更何
妨倚翠偎紅。清歌一曲叫雲度。回思王令第宅。唯
有多情片石。千年如故。劍氣消沉。昔日英雄何處。正
漏靜貝闕鳴鐘。奈夜永露珠垂樹。想扁舟繫纜沙邊。
暝烟橫古渡。

沁園春

初秋飲許宦沙觀察園亭和家硯銘作

丘壑難忘。結構園亭。界破塵埃。有芳塘規鏡。雲霞晝

名家詞鈔 肅閣

十

落亂峰削玉。圖畫天開。喬木千章。修篁萬筍。點綴應
知手自裁。經行處。看疎疎密密。掩映樓臺。探幽我
欲頻來。况折柬相邀。共潑醅。喜高陽作伴。紅螺戲賭。
嬋娟雜坐。白苧涼催。好景難逢。韶光堪惜。不飲人生
何有哉。拚沉醉。正娟娟新月。幾度徘徊。

蘇州府志卷之四十一

回思王令第宅

寶鞍爭赴

飛鏡磨天

綺羅香

中秋虎丘雅集

許鶴沙

續曾

曰先生爲風雅領袖其詩古文集俱

討論精微各極其妙今讀其詞婉麗之中具見
豪邁居然登唐宋之席矣先生雖優游泉石怡
情花鳥觀其藻思全涌駿才卓越是豈山中之
人哉。

徐電發

鈞曰今人爲詩多規摹放翁遺山卽小詞

亦必舍南唐北宋而問金元矣江湖日下爲之
太息今觀先生諸闋芊綿婉麗中有排空兀莽
之致辛柳蘇黃合爲一家固知金鐘玉鐻之才

名家詞鈔

蕭閣

十一

雖闌入花間草堂猶不忘正始元音也。

孫松坪

致彌

曰先生之詞其源出於東坡而溫雅

綿麗含蓄不露則斟酌於小山淮海之間集長
去短自成一家不屑屑以鏤花剪葉搓酥滴粉
爲工蓋其氣體高妙見地卓澈得諸天成雖填
詞小技猶杰然可傳若此昔胡武夸之稱薌林
居士以爲步趨蘇堂而齊其裁者也僕於先生
亦云。

